



**Referat
Ileqquusumik ataatsimiinneq 03/2020**

**Ataatsimiinneq Qaqortumi ingerlanneqarpoq
maajip 20-anni 2020**

OQALUUSERISASSANUT TAKUSSUTISSIAQ:

- Imm. 1. Oqaluuserisassamut akuersineq.
- Imm. 2. Borgmesterimit ilisimatitsissutit.
- Imm. 3. Aningaasaqarnikkut killiffik.
- Imm. 4. Kommunimut akiitsut killiffii.
- Imm. 5. Kukkunersuiusut nalunaarusiaat nr. 34 akissutissatullu siunnersuutit.
- Imm. 6. 2019-imi naatsorsuutit pillugit ukiumut nalunaarut / 2021-imi missingersuutitut killiliussat.
- Imm. 7. Inuussutissarsiornikkut ineriartortitsineq pillugu Kommune Kujallip Aarhus Kommunillu isumaqatigiissutaat.
- Imm. 8. Nunaqarfinni isorliunerusunilu inuussutissarsiornikkut suliffeqarnikkullu suliniutinit aningaasaliissutit.
- Imm. 9. Qaqortumi, Narsami, Alluitsup Paanilu ikuallattoqarnerani kalerrisaarutit.
- Imm. 10. Kulturimik sunngiffimillu suliaqarfimmi nikisitsinissamik qinnuteqaatit..
- Imm. 11. Kommune Kujallermi atorfirmik atornerluisoqannginnissaanut politikki.
- Imm. 12. Eqqagassalerinermut ileqqoreqqusat nutaat, inaarutaasumik akuersissutigineqarnerat.
- Imm. 13. Nunaqarfinni ikuallaavinnik paaanermut ilassutitut aningaasaliissutit.
- Imm. 14. 2021-mut Aningaasanut inatsimmut Kommune Kujallermiit kissaatit.
- Imm. 15. Narsarsuup eqqaani aqquserniorneq.
- Imm. 16. Qimmeqarnermut qitsuuteqarnermullu ileqqoreqqusap nutaap inaarutaasumik akuerineqarnera.
- Imm. 17. Oqaluuserisassanngorteqqitaq, Kommunimut pilersaarutip ilassutaatut siunnersuut nr. 18, Narsami iliveqarfittaassaq.
- Imm. 18. Kommune Kujallermi pilersaarusionermi periusissiaq.
- Imm. 19. Qaqortumi bussinik ingerlatsinissamut suliariumannittussarsiuussineq.
- Imm. 20. Qassiarsummi, Itillimi kiisalu Upernarviarsummi puttasut naammassineqarnissaanut missingersuutitigut nikisitsineq.
- Imm. 21. Qimmeqarnermik nakkutilliisumut missingersuutitigut nikisitsineq.
- Imm. 22. B-2451 Aappilattumi kommunip illuutaa.
- Imm. 23. Sulisunut inissiat - Qaqortumi Tuiani sulisunut inissiat B-1623 aamma 1624.
- Imm. 24. Kommune Kujallip inuussutissarsiornikkut illuutaanik aserfallatsaaliinermut pilersaarutit pillugit ilisimatitsissut.
- Imm. 25. Inuussutissarsiornermut Sulifeqarnermullu Ataatsimiititaliaq kiisalu Teknikkimut Avatangiisinullu Ataatsimiititaliaq aprilip 30-at 2020 – Nannunik takusassarsiortitsinermut akuersissutip suliareqqinneqarnera.
- Imm. 26. Innovation South Greenland.
- Imm. 27. Hotel Arctic A/S.
- Imm. 28. Najugaqarfiit ataatsimoorussallu, Qummut.
- Imm. 29. Narsami illuaqqiorfissat, aasarsiorfiliorfissat aallaarsimaartarfiliorfissallu pillugit kommunimut pilersaarummut ilassutip nr. 13-ip inaarutaasumik akuersissutigineqarnera.
- Imm. 30. Qaqortup qeqertaasaani illuaqqiorfissat aasarsiorfiliorfissallu pillugit tunngaviusumik oqallinneq.
- Imm. 31. Igalikumi UNESCO-qarfinnilu allani § 32 naapertorlugu inerteqquteqalerneq.
- Imm. 32. ”2020-miit 2024-mut Qaqortup qeqertaasaanut aqqissuussaanermut pilersaarut”.
- Imm. 33. Taasariallit allat.

PEQATAASUT:

Atassut: Kim Ezekiassen

Inuit Ataqtigiit: Asmus Hansen, Stine Egede, Naja Lund, Didda Isaksen, Ole Mølgaard Motzfeldt

Siumut: Kiista P. Isaksen, Manasse Semsen, Mari S. Abelsen, Karla Egede Bisgaard, Monica Dorph, Benjamin Kielsen, Anders Olsen, Josef Petersen, Simon Simonsen

Najuutinngitsut: Mouritz Karlsen, Henrik Brummerstedt

Atorfilittat Pisortaaneq Kim Dahl, pisortaanerup tullia Carsten F. Hansen, aningaasaqarnermut pisortaq Kim Rosendahl (imm. 3-6).

Immikkut peqataatitat:

Nutserisut: Kelly Berthelsen, Najannguaq H. Petersen

IMM. 1. OQALUUSERISASSAT AKUERINEQARNERAT

Aalajangiineq: Mouritz Karlsen aamma Henrik Brummerstedt peqataasinnaanatik nalunaarput, taamaammatt sinniisut Didda Isaksen aamma Ole Mølgaard Motzfeldt aggersarneqarsimapput takkullutillu. Stine Egede aamma Naja Lund attaveqaatit atorlugit peqataapput. Kommunalbestyrelsimut ilaasortaasimasut Tage Frederiksen kiisalu Gerhardt Petersen ataqqiniarlugit minutsi ataaseq nipaallisimasoqarpoq, Tage Frederiksen Nanortallip Kommuniani aamma borgmesteriusimavoq.

Ileqquusumik ataatsimiinnerup kingorna matoqqasumik ataatsimiittoqarnissaanik Inuit Ataqtigiit kissaateqarput. Ataatsimiinneq sioqqullugu Inuit Ataqtigiit immikkut ataatsimiinnissamik kissaateqarsimangillat, taamaammatt tamanna pillugu allakkatigut kissaammik saqqummiussisoqassasoq aalajangiunneqarpoq.

Oqaluuserisassat immikkoortoq 32-imik ilallugit akuerineqarput, taamalu immikkoortoq 32-iusimagaluortoq 33-inngorpoq.

IMM. 2. BORGMESTERIMIT ILISIMATITSISSUTIT

- Covid-19 assorsuaq initusimavoq, aallaqqaammatt borgmesterit kommunillu pisortaaneri ullormut marloriarlutik, sapaatit akunneri nalliuttullu ilannguttarlugit, ataatsimiittarput. Upalungaarsimasut kiisalu Corona pillugu Allattoqarfik. Peqqussusiortoqarpoq, kiisalu nittartakkakut naapittarfinni innuttaasut paasissutissinneqartarlutik. Utoqqaat illuinut pulaarneq siviluatsiamik matoqqatinneqarsimavoq, taamaammatt Kommune Kujalleq

Pisiffimmik suleqateqarluni Narsami, Qaqortumi Nanortalimmilu utoqqaat illuini iPadinik marlunnik atugassaqtitsisimavoq najugaqartut Facatime atorlugu qanigisaminnut allanullu attaveqarsinnaaniassammata.

Nanortalimmi Narsamilu innuttaasunik ataatsimiititsinerit unitsikkallarneqarput inuit 100 sinnerlugit katersuussinnaannginnerat pillugu, kiisalu illuni isersimaqqusaasut killineqarput (tassa qatserisartut akuerisaasa affaat amerlanerpaamillu inuit 100).

ISG qanimut suleqatigineqarluni sapaatit akunnikkaartumik ataatsimeeqatigineqartarpoq, soorlu covid-19-ip inuussutissarsiornermut pingaartumillu inuussutissarsiutinut sullissiviusunut soorlu takornariartitsinerit sunniuteqai misissorneqarlutik.

- PDAC-mut peqataanissaq martsimi pisussatut pilersaarutigineqarsimavoq, covid-19-ili pissutigalugu borgmesterip pisortaanerullu peqataanissaraluaat unitsiinnarneqarpoq, kisiannili inuussutissarsiornermut pisortaq, aatsitassarsiornermut siunnersorti inuussutissarsiortullu qassiit peqataapput.
- Aatsitassat pillugit saqqummersitsineq, augustimi ingerlanneqartussaagaluaq covid-19 pissutigalugu piffissaligaanngitsumik kinguartinneqarpoq.
- PDAC-mut peqataanermut taarsiullugu borgmesteri pisortaanerlu naalackersuinikkut ataqatigiissaarisut Kangerlussuarmi ataatsimiinnerannut peqataajartorput. Akiitsunut tunngasut oqaluserisassanut ilanngunneqarput suleqatigiissitamullu eqqartugassanngortinneqarlutik, taannalu suliap ingerlaqqinnissaa pillugu inassuteqaasiortoqarumaarpoq.

Namminersorlutik Oqartussat inissiaataanik kommuninut tunniussineq Naalackersuinikkut Ataqatigiissarisuniit 1.1.2021 pisussatut isumaqatigiissutigineqarpoq, tassungalu atatillugu suleqatigiissitaliortoqarpoq tigusinermik piareersaasussanik, ilaatigullu nutartigassatigut kinguaattoorutit tassani sukumiinerusumik misissorneqassallutik.

- 28/4 Isumaginninnermut Ministeriaqarfik qarasaasiakkut ataatsimeeqatigineqarpoq covid-19 pissutigalugu naapilluni ataatsimiinnissap ajornarnera pissutigalugu. Suliniutissatut kissaatigineqartunik kommune saqqumiussaqqarpoq.
- 31/4 borgmesteri kiisalu isumaginninnermut teknikkimullu ataatsimiititaliap siulittaasui Narsami anisitat inaat pillugu ataatsimeeqatigiippat. Ataatsimiititaliat peqatigiillutik aalajangernissamat tunngavissiuussasut isumaqatigiissutigineqarpoq.
- USA-p aallartitaa Carla Sands qarasaasiakkut ataatsimeeqatigineqarpoq, tassanilu Sands USA-p ikiorsiissutiginiagai sukumiinerusumik nassuiarpai.
- Piffissami kingullermi akerliussutsimik takutitsisarnerit pillugit: taakku siumoortumik ilisimatitsissutigineqartarsimangillat, kommunili takkuttarpoq oqaloqatiginissaanillu neqerooruteqartarluni, akerliussutsimilli takutitsisut neqeroorut taanna tigunngilaat; sukumiinerusumilli oqaloqatigiittoqassasoq kommunimit neriutitigineqarpoq.
- Ippassaammagu qulequttanik sammisaqarluni ataatsimiittoqarpoq, tassanilu Nunami namminermi pissutsinut immikoortoq ullaap tungaani qinikkanut pikkorissaavoq, ualikkullu ESANI-ip pisortaa Frank Rasmussen killiffimmik saqqummiivoq.

Aalajangiineq: Tusaatissatut tiguneqarpoq. JP covid-19 pillugu sulisunut tamanut aammalu ingerlaavartumik paasissutissiisarnermut kommunillu sulisuinut peqqussuteqartarnermut qujassuteqarpoq. Innuttaasunik ataatsimiititsinerit katersuunnerit inerteqqutaanerit pissutigalugu piffissaleriigaanngitsumik kinguartinneqarnerat uggnarpoq paasinarlunili, aammalu aatsitassat pillugit saqqummersitsinerup kinguartinneqarnera uggnarpoq. ESANI-ip killiffimmik saqqummiinera soqutiginaateqarpoq sulinerullu ingerlaqqinnissaa qilanaarineqarluni.

SE naalackersuisup Karl Frederik Danielsenip kiffartuussinerit isumaqatigiissutip eqqartorneqarnissaanik saqqummiussinera pillugu oqaaseqarpoq, qinikkallu amerlanerusut

peqataatinneqarnissaannik kissaateqarluni. Covid-19 sunniuteqaqaaq uteqqissasorlu qularnarani. Aningaasatigut kinguneqarpoq pingaartumillu takornariartitsineq eqqugaavoq, aammalu takornariussuit pillugit politikkeqarnissaq pisariaqarpoq. Carla Sands kiisalu USA-p ikiorsiissutiginiagai 83 millionit; tigussaasumik soqanngilaq, taamaammat apeqqutit qassioqaat, soorlu mittarfimmut, mittarfiup aqquusernganut, aatsitassanut tunngasut allallu. Borgmesteri Karl Frederik Danielsenip tikeraartussaanera pillugu sukumiinerusumik oqaaseqarpoq, kiisalu amerlanerusut peqataanissaat pissusissamisoortutut isiginerarppaa, tamannalu naalakkersuisumut nalunaarutigineqassaaq.

IMM. 3. ANINGAASAQARNIKKUT KILLIFFIK

2020-mi aprili ilanngullugu naatsorsuutit killiffii.
Apriliip qaammataani 2020-mi Kommune Kujallermi naatsorsuutit killiffii

Inatsisitigut tunngaviit: Missingersuutinut Naatsorsuutinullu inatsimmi § 41 naapertorlugu.

Aningaasartai: Ilanngussani nassuiarneqartutut.

Pisortaanerit inassuteqaataat: Aningaasaqarniarnikkut pissutsit tusaatissatut tiguneqassasut.

APA 05/2020 aalajangiineq: Tusaatissatut tiguneqarpoq.

Aalajangiineq: Tusaatissatut tiguneqarpoq.

IMM. 4. KOMMUNIMUT AKIITSUT KILLIFFII

April 2020-mi kommunip pisassai tamarmiusut ilisimatitsissutigineqarput kiisalu

- pisortat suliffeqarfiutaanni akiitsoqarnerpaat qulit
- qaammammusialinnit akunnermusialinnillu pisassat
- qinikkaniillu pisassat

Kiisalu akiitsut pillugit akiliisitsiniartarfimmut allakkat tassanngalu tigusat.

Inatsisitigut tunngaviit: Missingersuutinut Naatsorsuutinullu inatsimmi § 41 naapertorlugu.

Aningaasatigut kingunissai: Soqanngilaq

Pisortaanerit inassuteqaataat: Innassuteqaat tusaatissatut tiguneqassasoq.

APA 05-2020 Aalajangiineq: Tusaatissatut tiguneqarpoq.

Aalajangiineq: Tusaatissatut tiguneqarpoq. Namminersorlutik Oqartussat akiitsui pillugit naalakkersuisoqarfiit attuumassuteqartut allaffigineqassapput assilinerinillu aningaasaqarnermut naalakkersuisoqarfik nassinneqassalluni.

IMM. 5. KUKKUNERSIUSUT NALUNAARUSIAAT NR. 34 & AKISSUTISSATULLU SIUNNERSUUTIT

Nalunaarut nr. 34 kiisalu nalunaarummut akissutissatut siunnersuut.
2019-imi decembarip 31-ata tungaanut ingerlaavartumik kukkunersuiisarneq - 2019-imi naatsorsuutit pillugit nalunaarutit ilaat
Qupperneq 411- 419

Inatsisitigut tunngaviit: Missingersuusiornermut naatsorsuusiornermullu inatsimmi § 43

Aningaasartai: Soqanngilaq

Pisortaanerit inassuteqaataat: Akuerineqassasoq inassutigineqarpoq akuerisassanngorlugu kommunalbestyrelsimut ingerlateqqinneqassasoq.

APA 05-2020 Aalajangiineq: Akuerineqarnissaa inassutigalugu kommunalbestyrelsimut ingerlateqqinneqarpoq, tamatumani oqaaseqaatit Inuit Ataqtigiinnit naammaginartutut isigineqanngillat.

Aalajangiineq: Akuersissutigineqarpoq. Inuit Ataqtigiit kissaatigaat kukkunersuiisut oqaaseqaataasa amerlassusaat annikillisarniarlugit nangittumik suliniuteqartoqassasoq.

IMM. IMM. 6. 2019-IMUT UKIUMOORTUMIK NALUNAARUT / 2021-MI MISSINGERSUUTINUT KILLILIUSSAT.

2019-imut naatsorsuutit siusinnerusukkut Aningaasaqarnermut Ataatsimiititaliamit akuerineqarput, maannalu ukiumoortumik nalunaarut inaarutaasoq suliarineqarluni. Naatsorsuutit kisitsisitaat kiisalu 2019-imi sulisut amerlassusissaat ilanngunneqarput.

Inatsisitigut tunngaviit: Missingersuusiornermut naatsorsuusiornermullu inatsimmi § 42.

Aningaasartai: Ilanngussaq 1-imi nassuiarneqartutut.

Pisortaanerit inassuteqaataat: Akuerineqassasoq inassutigineqarpoq kommunalbestyrelsimullu akuerisassanngorlugu ingerlateqqinneqarluni.

APA 05-2020 Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inassuteqaatigalugu.

Aalajangiineq: Akuersissutigineqarpoq.

IMM. 7. KOMMUNE KUJALLIUP AAMMA AARHUS KOMMUNIP INUSSUTISSARSIUTITIGUT INERIARTORTITSINEQ PILLUGU ISUMAQTIGIISUTAAT.

Septembarip aallartilaarnerani ataatsimiititaliap siulitaasuat ataatsimiititaliamilu illuatungiliuttuni ilaasorta q ataaseq ilangalugu Aarhusimut angalapput, ilaatigut Food Festivalimut NUKIGA-llu isumasioqtigiisutigine-ranut peqataallutik. Angalanermi inuussutissarsiornikkut

Referat
Kommunalbestyrelse – ileqquusumik ataatsimiinneq 03/2020

ineriartortitsinissamut suleqataasinnaasut ataatsi-meeqatigineqarput, ilaatigut Aarhusip Kommunia, tassungalu atatillugu Aarhus Kommuniata Inuusutissarsiornermut immikkoortortaarfia ataatsimeeqatigineqarpoq. Ataatsimiinnermilu isumaqatiissutigineqarpoq inuusutissarsiornermut ineriartortitsinissaq pillugu isumaqatigiisusiortoaqassasoq Kommune Kujalliup Aarhus Kommuniatalu akornanni.

Taamaasilluni decembarip aappaanni 2019-imi Aarhusip Kommuniata Inuusutissarsiornermut immikkoortortaarfia isumaqatigiisutissatut siunnersuut nassiuppa.

Inatsisitigut tunngaviit: Kommunip piginnaatitsissutaa.

Aningaasartai: Ilanngussaq takuuk.

ISA-p aalajangerera: Ataatsimiititaliap isumaqatigiisutissatut siunnersuut akueraa aningaasaqanermullu ataatsimiititaliamut ingerlateqqinnissaata akuerineqarnissaa kaammattuutigalugu.

Pisortaanerit inassuteqaataat: Allannortilaanngualarlugu akuerineqassasoq inassutigineqarpoq, taamaalillunilu isumaqatigiisut illoqarfittut ikinngutiginnermut isumaqatigiisummut ilassutinngortinneqassalluni.

APA 05-2020 Aalajangiineq: Akuersissutigineqarpoq.

Aalajangiineq: Akuersissutigineqarpoq.

IMM. 8. NUNAQARFINNI ISORLIUNERUSUNILU INUUSSUTISSARSIORNIKKUT SULIFFEQARNIKKULLU SULINIUTINIT ANINGAASALIISSUTIT

Januaarip ulluisa qulingiluaanni 2020 Inuusutissarsiornermut Naalackersuisoqarfiup nalunaarutigaa aningaasanut inatsimmi 2020-mi nunaqarfinni isorliunerusunilu inuusutissarsiornermi suliffeqarnermilu ineriartortitsinernut atugassanik aningaasanik immikkoorsititsisoqarsimasoq. Aningaasat taakku kommuninut tallimaasunut naligiimmik agguanneqassapput, tassa imaappoq kommunit tamarnik immikkut 2020-mi 1.157.000 koruuninik atorsinnaasaqalissapput.

Aningaasanut inatsimmi kontumit 64.01.05-imit aningaasaliinerup timalernissaa "Nunaqarfinni isorliunerusunilu Inuusutissarsiornermi suliffeqarnermilu ineriartortitsineq"

Januaarip ulluisa 31-anni 2020 ataatsimiititaliap ataatsimiinnermini aningaasanut inatsisimmi kontukut 64.01.05 "Nunaqarfinni isorliunerusunilu inuusutissarsiornermi suliffeqarnermilu ineriartortitsineq." aningaasaliissutit atorineqarnissaat pillugu saqqummiussisut oqaluuseraa akueralugulu, taamaalillunilu ataatsimiititaliaq aalajangerpoq 800.000 koruunit Qassiarsummi puttasumut ataatsimut talittarfimmullu atorineqassasut.

Tamatuma kingorna Teknikkeqarfik Inuusutissarsiornermut Suliffeqarnermullu Ingerlatsivimmut apeqquteqarpoq Qassiarsummi, Itillimi Upernaviarsummilu talittarfiit puttasullu qajannaarsornerinut aningaasaliissutit nuunneqarsinnaanersut, taamaammat ataatsimiititaliaq 2020-mi februaarip ulluisa 25-anni ataatsimiinnermi Qassiarsummi, Itillimi Upernaviarsummilu talittarfiit

Referat
Kommunalbestyrelse – ileqquusumik ataatsimiinneq 03/2020

puttasullu qajannaarsornerinut aningaasaliissutit 800.000 koruunit atorneqarnissaat akueraa, tassa Qassiarsummi puttasumut talittarfimmullu ataasiinarmut atornagit.

Tamanna pequtigalugu aningaasaliissutinut kontumi 38-01-imiittunut tunngatillugu allannguisoqassaaq imaattunik:

Konto	Aningaasaliissutaaqqaartut	Aningaasaliissutit	nutaat		
37-01-00-35-21	Puttasuliat, Nunaqarfiit 0	800.000			
37-01-00-35-22	Savaateqarfinni aqqusinernik talliliineq	0		357.000	
37-01-00-82-01	Nam. Oqartussanit utertitat	1.178.000	1.157.000		

Inatsisitigut tunngaviit: Missingersuutit naatsorsuutillu pillugit inatsisimmi § 23 imm. 2

Aningaasartai: Takuuk tassunga ilanngussaq.

Pisortaanerit inassuteqaataat: Inssuteqaatip Kommune Kujallermut aningaasartuutaasussaannnginnera pillugu inassuteqaat akuerineqassasoq inassutigineqarpoq.

APA 05-2020 Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inassuteqaatigalugu.

Aalajangiineq: Akuersissutigineqarpoq. Nunaqarfinni allani puttasut nunamigiiginnartut ikkussorneqarnissaat kissaatigamikkku imaqarniliamut ilanngunneqassasoq Inuit Ataqtigiinniit kissaatigineqarpoq. Suliap qanoq ingerlasinnaaneramik Inuussutissarsiornermut Ataatsimiititaliaq Teknikkimullu Ataatsimiititaliaq qulaajaaqatigiissapput.

IMM. 9. QAQORTUMI, NARSAMI ALLUITSUP PAANILU IKUALLATTOQARNERANI KALERRISAARUTIT

Ikuallattoqartillugu kalerisaarutit taarsersorneqarnerisa nangeqqinnissaannut nassuiaat.

Illoqarfiit Qaqortoq, Narsaq, kiisalu nunaqarfik Alluitsup Paa ikuallattoqartillugu kalerrisaarutit taarsigassangornikuupput, kalerrisaarutit massakkut atuuttut ukiuniit 20-niit 35-t tungaannut pisoqaassuseqalermata nutartertariqalerlutillu.

Maannakkut kalerrisaarutit pigisagut analogiusut sanaartugaajunnaarnikuupput digitalit atorneqalersimanagerat pissutigalugu. Taamaammat kingoraartissat pissarsiarineq ajornarsisimapput. Kalerrisaarutitik nutaanik taasersuinissaq pisariaqarluinnarpoq, kalerrisaarutit massakkut atuuttut ajutuussagaluarpata qatserisartunut kalerriineq ajornarsissammat.

Pingaarnersiuiineq.

Upalungaarsimanermut pisortap ima pingaarnersiuisoqassasoq kaammattuutigaa:

- Qaqortoq
- Narsaq
- Alluitsup Paa

Referat
Kommunalbestyrelse – ileqquusumik ataatsimiinneq 03/2020

Aaqqiissutissatut siunnersuutit: Suliaq 2020-mi aallarnerneqassasoq kiisalu akiliinissamut pilersaarutit tulluuttut 2021 kiisalu 2022-mut tunngasut akuerineqassasut.

Inatsisitigut tunngaviit: Aqutsinermit inatsimmi § 25, imm 1, nr. 1

Aningaasartai:

2020:	Suliaq 2020-mi aallarnerneqassasoq	
2021:	Akiliineq siulleq januar 2021-mi pissasoq	kr. 2.387.196,50
2022:	Akiliinerit aappaat januar 2022-mi pissasoq	kr. 2.387.196,50

Qeqqata Kommuniani upalungaarsimanermut pisortaq naapertorlugu tuniniaasunik allanik periarfissaqanngimmat allanik neqeroorutitsisoqanngilaq.

TAA-p aalajangenera: Inassuteqaat akuerineqarpoq, taavalu APA-mut Kommunalbestyrelsimullu akuerineqarnissaa kaammattuutigalugu ingerlateqqinneqarpoq

Pisortaanerit inassuteqaataat: Akuerineqassasoq inassutigineqarpoq aningaasat ukiunut missingersuuteqarfinnut 2021 aamma 2022-mut ilanngunneqartussanngorlugit.

APA 05-2020 Aalajangiineq: Akuerineqarnissaa inassutigalugu kommunalbestyrelsimut ingerlateqqinneqarpoq, Alluitsup Paanili nutaanik pisinermit taarsiullugu Narsami Qaqortumilu atorneqarsimasut katersorlugit atorneqarsinnaanersut misissorneqassaaq, aamma ikuallattoqarnerani toortakkat taarserneqassanersut paasiniarlugu upalungaarsimanermut ataatsimiititaliap imaqarniliai misissorneqassapput.

Aalajangiineq: Akuersissutigineqarpoq.

**IMM. 10. KULTURIMIK SUNNGIFFIMMILLU INGERLATSIVIMMI
NIKISITSINISSAMIK QINNUTEQAAT**

Kulturimut, Sunngiffimmut Pinaveesaartitsinermullu Ingerlatsivimmi nammineq kontup iluani nikisitsinissamik qinnuteqaat.

Sukisaarsaartarfik Kaassassuk qaammammusialinnik ikinnerusunik massakut massakut atorfeqartitaqarpoq, siornarnillu amerlanerusunik akunnermusialinnik sulisoqarluni. Tassa akissarsianut aningaasartuutit tamarmiusut appariarsimapput, kisianni qaammammusianut kontumiit akunnermusianut kontumut nuussisoqanngipat akunnermusianut konto sippuiffiussalluni. Qaammammusianut aningaasat sinneri atortussanik pequtinillu pisinermit kontumut ataatsimoorussamut nuunneqassapput. Taamaaliortoqassaaq Kulturimik Ingerlatsiviup peqatigiiffinnik namminerlu kajumissutsiminnik sulisut sullinneqarneranni qarasaasianik atortussarsiniarnermut aningaasaliinissaq siunertaralugu, kiisalu sulianik nutaanik aallarniissamut atortussanik pisinermit konto atorneqassalluni.

Inatsisitigut tunngaviit: Missingersuusiortarnermut naatsorsuusiortarnermullu inatsimmi § 23, imm. 2, titarneq 3.

Aningaasartai: Ilanngussaq takuuk.

KPA: Akuerineqarpoq

Pisortaanerit inassuteqaataat: Akuerineqassasoq inassutigineqarpoq.

APA 05-2020 Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inassuteqaatigalugu.

Aalajangiineq: Akuersissutigineqarpoq.

IMM. 11. KOMMUNE KUJALLERMIK ATORFIMMIK ATORNERLUISITSINAVEERSAARNERMUT POLITIKKI

Innuttaasunut suleqatinullu kiisalu suliffeqarfiup iluani ammasumik saqqumisumillu pissuseqarnissaq Kommune Kujallermi ilungersuutigineqarput kiisalu sulinermi pissuserissaanissamut najoqqutassat pitsaanerpaat malinneqassallutik. Atorfimmik atornerluineq inuiaqatigiit soqutigisaannut ajoqutaavoq. Peqquserlunnerup pinaveersaartinnissaanut politikkiimi anguniagaavoq sulisut ataasiakkaat, kalaallit inuiaqatigiit, ataatsimut soqutigisat aamma tamat oqartussaanerata nukittuup illersorneqarnissaat.

Inatsisitigut tunngaviit: Kommunimut piginnaatitsissut

Aningaasartai: Soqanngilaq

Pisortaanerit inassuteqaataat: Akuerineqarnissaa inassutigineqarpoq.

APA 05-2020 Aalajangiineq: Akuerineqarnissaanik inassutigalugu kommunalbestyrelsimut ingerlateqqinneqassaaq, taavalu peqquserluuteqarsimasunik nalunaaruteqartarnej pillugu immikkoortortami allanneqassalluni borgmesteri, borgmesterip tulliisa siulliat aappaallu, pisortaneq, pisortaanerup tullia kiisalu sulisoqarnermut pisortaq nalunaarutigineqarsimatillugit Nuna Advokaterne misissuisuusassasut.

Aalajangiineq: Akuersissutigineqarpoq. Borgmesterimut, biorgmesterip tullersortaanut, pisortaanerimut, pisortaanerup tullianut aamma sulisoqarnermut pisortamut tunngatillugu nalunaaruteqartoqarpat, taava inatsisilerituut suliffeqarfiannit misissuineq ingerlanneqassasoq Inuit Ataqtigiit imaqarniliamut ilanngukkusuppaat.

IMM. 12. EQQAGASSALERINERMUT ILEQQOREQQUSAT NUTAAT, INARUTAASUMIK AKUERSISSUTIGINEQARNERAT

Kommunip eqqagassalerinermut ileqqoreqqusai Teknikkeqarfimmit allanngortinneqarput, soorlu inuussutissarsiortut eqqagassaataannut ileqqoreqqusat kiisalu angerlarsimaffinniit eqqassat pillugit ileqqoreqqusat allanngortinneqarlutik, tamatumuunakkullu eqqagassanik immikkoortiterisarnermut passussinermullu piumasaqaatit nalitsinnut naleqquttut suliarineqarnissaat siunertarineqarpoq.

Malittarisassiat TAA-p qulissaannik oktobarip 29-anni ataatsimiinnerani akuersissutigineqarput, tamatuma kingorna malittarisassiat 2019-imi decembarip ulluisa aappaanniit 2020-mi januaarip ulluisa 13-iannut tamanut tusarniaassutigineqarput.

Referat
Kommunalbestyrelse – ileqquusumik ataatsimiinneq 03/2020

Tamanut tusarniaanermut akissuteqartoqarsimanngilaq.

Teknikkimut Avatangiisinullu Ingerlatsiviup tusarniaanerup nalaani paasivaa ileqqoreqqusani marlunni nutaani tamani naqinnerliukkat qassissunnguit ularunneqarsimasut. Ileqqoreqqusani aalajangersakkani immikkut ittuni. 1.8-imi eqqagassat nalinginnaasut aaneqartarneranni allassimavoq:

”EQQAKKAT AANEQANNGITSOORNERAT

Eqqakkat aaneqanngippata Sullissivik imaluunniit Teknikkimut Avatangiisinullu Ingerlatsivik attavigineqassapput. Eqqakkat aaneqarsimannginnerat paasineqarpat piaarnerpaamik, kingusinnerpaamillu ulluinaat marluk qaangiunneranni, Sullissivik imaluunniit Teknikkimut Avatangiisinullu Ingerlatsivik attavigineqassapput.

Eqqakkat piffissaq eqqorlugu aaneqarsimatinnagit, aammalu eqqagassanik pilersitsisup Sullissivik imaluunniit Teknikkimut Avatangiisinullu Ingerlatsivik ulluinaat marluk ingerlaneranni nalunaarfigisimanngippagit tullissaannik imaarsinissaq sioqqullugu igitassat kommunip eqqagassalerivianut igikkiartorneqarnissaat eqqagassanik pilersitsisup nammineerluni akisussaaffigaa. Tamatumani immikkut aningaasartuutaajunnartut eqqagassanik pilersitsisup akilissavai.”

Eqqakkat aaneqarsimatinnagit kommunimut nalunaarfissap ulloq ataasinngorlugu iluarsineqarnissaa ingerlatsivimmiit kissaatigineqarpoq. Innuttaasup aallertoqarsimannginneranik oqarnera eqqagassalerisullu oqarnera assigiinngippata kommunip eqqagassat aaneqarsimanerannik misissuinissaanut piffissaq sivikinneruppat kommunimi oqartussat eqqortumik aalajangiinissaat ajornanninnerussaaq.

Teknikkimut Avatangiisinullu Ingerlatsivimmiit Teknikkimut Avatangiisinullu Ataatsimiititaliamut inassutigineqarpoq:

- eqqakkat aaneqarsimatinnagit kommunimut nalunaarfissaritittaasup ullormut ataatsimut allannngortinneqarnissaa ataatsimiititaliap akuerissagaa.
- *Inuussutissarsiortunit eqqagassat pillugit ileqqoreqqusat, kommune Kujalleq 2020 - ataatsimiititaliamit akuerineqassasut*
- *Angerlarsimaffinniit eqqagassat pillugit ileqqoreqqusat, kommune Kujalleq 2020 - ataatsimiititaliamit akuerineqassasut*
- ileqqoreqqusanut missingiutit aningaasaqarnermut ataatsimiititaliamut aammalu kommunalbestyrelsimut ingerlateqqinneqassasut
- ileqqoreqqusat kommunip nittartagaatigut tamanut saqqummiunneqassasut

Inatsisitigut tunngaviit:

- Avatangiisit innarlitsaaliorneqarnissaanik Inatsisartut inatsisaanni nr. 9, 22. november 2011-meersoq § 36, imm. 3
- Igitassanik eqqaasarneq pillugu Namminersornerullutik Oqartussat nalunaarutaanni nr. 28, 17. september 1993-imeersumi § 18

Aningaasartai: Kommunimut aningaasartuutaanngilaq.

Teknikkeqarnermut Ataatsimiitsitaliap Inassuteqaataa: Akuerineqarpoq ingerlateqqinneqarlunilu

Pisortaanerit inassuteqaataat: Akuerineqassasoq inassutigineqarpoq.

APA 05-2020 Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inassuteqaatigalugu.

Aalajangiineq: Akuersissutigineqarpoq.

**IMM. 13. NUNAQARFINNI IKUALLAAVIIT PIARNEQARNISSAANNIK
MISILIGUMMIK SULINIUMMUT ILASSUTITUT ANINGAASALIISSUTIT**

Igalikumi ikuallaaviup ikuallaavittaata pujoorfiatalu peernissaannut tapiissutinik Teknikkimut Avatangiisinullu Ingerlatsivik 2019-imi Namminersorlutik Oqartussanut qinnuteqaateqarpoq, neriorsuummillu pissarsilluni. Neriorsuut ilanngussatut 1-itut ilanngunneqarpoq.

Kommunip eqqagassalerinermut ingerlatseqatigiiffiata ESANI-p pilersinneqarneranut atatillugu kommune inoqarfinnit tamanit ikuallaavinnut nutaanut Nuummi Sisimiunilu pilersinneqartunut assartuisalertussavoq. Tassunga atatillugu Teknikkimut Avatangiisinullu Ingerlatsivimmiit kissaatigineqarpoq nunaqarfinni ikuallaaviit poortuivinnngortinneqassasut, taakkunangalu eqqakkat ikumasinnaasut poortorneqariarlutik aallarunneqartassapput ikuallaaviit ukiuni qassiini uninngallutik siunertaminnut atunngereermata.

Teknikkimut Avatangiisinullu Ingerlatsivik suliassaq pillugu 60° North Greenland ApS-mut neqerooruteqartitsivoq, takuuk ilanngussaq 2. Neqeroorut 241.600 koruuninik naleqarpoq. Namminersorlutik Oqartussat neriorsuutaat naapertorlugu suliame kommunip minnerpaamik 25 %-imik nammineerluni aningaasaliinissaa piumasarineqarpoq. Tassa kommunip suliame 60.400 koruunit nammineerluni akilissavai. Siumut naatsorsuutiginnngisanik aningaasartuutit sillimaffigiumallugit Teknikkimut Avatangiisinullu Ingerlatsivimmiit Ataatsimiittaliament 84.560,00 koruunit qinnutigineqarput. 84.560 koruuninut 60.400 koruunit kommunip nammineq aningaasaleeqataassutissai ilisimaneqartut matussuserneqassapput. (25 %), kiisalu saniatigut 24.160 koruunit (10 %) aningaasartuutaaratarsinnaasunut sillimmatigineqassallutik.

Inatsisitigut tunngaviit:

- Avatangiisit innarlitsaaliorneqarnissaanik Inatsisartut inatsisaanni nr. 9, 22. november 2011-meersoq § 36, imm. 3
- Igitassanik eqqaasarneq pillugu Namminersornerullutik Oqartussat nalunaarutaanni nr. 28, 17. september 1993-imeersumi § 18
- Missingersuusiortarnermut naatsorsuusiortarnermullu inatsimmi § 23, nuussisoqassappat § 23, imm. 2, oqaaseqatigiit 3, ilassutitut aningaasaliissutit qanoq aningaasalersorneqarnissaat amigaataappat , § 23, imm. 3.

Aningaasartai: 84.560,00 koruunit.

Teknikkeqarnermut Ataatsimiitsitaliap Inassuteqaataa: Akuerineqassasoq.

Pisortaanerit inassuteqaataat: Akuerineqassasoq inassutigineqarpoq.

APA 05-2020 Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inassuteqaatigalugu.

Aalajangiineq: Akuersissutigineqarpoq.

IMM. 14. 2021-MUT ANINGAASANUT INATSIMMUT SANAARTUGASSANIK KISSAATIT, KOMMUNE KUJALLEQ

Sanaartugassanik kissaatit tunniunneqarneranni Namminersorlutik Oqartussat suleriaasii pillugit marsip qaammataani 2020-mi Teknikkimut Avatangiisinullu Ataatsimiititaliaq kiisalu Aningaasaqarnermut Pilersaarusiortarnermullu Ataatsimiititaliaq ilisimatitsissummik tigusaqarput.

Kommune ulloq 25.02.2020 mailimik tigusaqarpoq, kommunimi sanaartornissamut kissaateqaqqusisarnerup allanngornissanut tunngasumik, Aningaasaqarnermut Naalackersuisoqarfimmiit aalajangiunneqarpoq siunissami aningaasanut inatsimmumut sanaartornissamut kissaateqaqqusisarnerit unitsinneqassasut aamma 2021 eqqarsaatigalugu.

"Sanaartornermut tunngasut naalackersuisoqarfimmut ataasiakkaanut siammartiterneranut kissaateqaqqusisarnerit Aningaasaqarnermut Naalackersuisoqarfimmiit unitsinniarlugit aalajangerpugut. Kissaateqaqqusisarneq immikkut isumaaruppoq, akerlianilli kommunini annertuumik aamma pisariaqanngitsumik sulisunik aningaasanillu atuineramik kinguneqartarluni. Tamanna pillugu ilisimatitsissut apuutingajalersimassaaq.

Tamatuma kingorna nuna tamakkerlugu najukkanilu ataasiakkaani suliassaqaarfimmut pilersaarutit pissarsiarineqarsinnaasut naapertorlugit naalackersuisoqarfiit ataasiakkaat namminneq suliassaqaarfimmini sanaartornissamut aningaasanik pingaarnersiornerminni oqaloqatiginnittarnissartik isumagissavaat. Annermik isumaginninnermut tunngasut kissaatit atornerqarnerussagunarput sanaartornermut aningaasaleeqatigiittarneq ingerlaannartussaammat. ”

Teknikkimut Avatangiisinullu Ingerlatsivimmiit matumuuna nassiunneqarpoq sanaartornermut kissatigisat pillugit siunnersuut kommunip Namminersorlutik Oqartussat Aningaasaqarnermut naalackersuisoqarfiannut nassiussaa, tassanngalu naalackersuisoqarfimmut attuumassuteqartunut suliareqqitassanngorlugu oqaluusereqqitassanngorlugu ingerlateqqinneqartussaaq.

Inassutigineqarpoq:

- AIS2021-mut sanaartugassatut kissaatit saqqummiunneqartut misissuataarneqassasut, pingaarnersiorneqassasut akuerineqassasullu
- tamatumalu kingorna Teknikkimut Avatangiisinullu Ataatsimiititaliamut kiisalu Aningaasaqarnermut Pilersaarusiortarnermullu Ataatsimiititaliamut ilisimatitsissutit ingerlatinneqassasut
-

Inatsisitigut tunngaviit: Kommunimut piginnaatitsissut

Aningaasartai:

Isummerfissiami ilanngussanilu nassuiarneqartutut. Sanaartugassatut qinnuteqaatit ilaat kommunimit aningaasaleeqataaffigineqartariaqassapput Namminersorlutillu Oqartussat

missingersuutitigut aalajangiinerat kommunip aningaasaqarneranut sunniuteqassalluni, tamannalu missingersuusiassamut ukiunullu missingersuusiorallarfinnut ilanngunneqassaaq.

Teknikkeqarnermut Ataatsimiitsitaliap Inassuteqaataa: Akuerineqarpoq

Pisortaanerit inassuteqaataat: Akuerineqassasoq inassutigineqarpoq.

APA 05-2020 Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inassuteqaatigalugu.

Aalajangiineq: Akuersissutigineqarpoq.

IMM. 15. NARSARSUUP EQQAANI AQQUSERNORNEQ

Ilisimatitsissut

2019-imi aggustip septembarillu qaammataanni ilinniartut qassissuit DTU/Center for Arktisk Teknologimeersut Narsarsuarmi misissuipput. Tappavaniinnerminni Narsarsuup eqqaani aqquserngit misissorpaat tamaani ineriartornermut periarfissanut qanoq pingaaruteqartiginerat allaaserinnaajumallugu. Aqquserngit pioreersut qanoq ilaterneqarsinnaaneri aammalu takornariartitsineq inuussutissarsiutigullu periarfissat eqqarsaatigalugit siunissami ineriartornermi qanoq naleqarnerulersitsisinnaanerat pillugu nalunaarusiaq sukumiisoq maanna saqqummersimalerpoq.

Pissutsit atuuttut

Nalunaarusiami allaaserineqarpoq aqquserngit pioreersut qanoq pitsanngorsarneqarsinnaanersut. Aqquserngit pioreersut pitsaassusii nalilersorneqarput, kiisalu aqquserngit tamarmiusut nutaanik ilaterneqarneranni aningaasartuutaasuttaaq nalunaarusiakku naliliivigineqarlutik.

Ataatsimut isigalugu nalunaarusiami pissutsit pingasut nassuiarneqarput, tassa:

1. Tamaani aqquserngit pioreersut pitsanngorsarneqarnerat (qanoq annertutiginiissat, atorussat suut atorneqassasut kiisalu sukkoornissaat).
2. Tamaani attaveqarnermi atorulersuutit pitsanngorsarneqarnerat (kuuit erngillu aporfiusut ikaartarfilersorneqarneri)
3. Sermersuup tungaanut nutaamik aqquserniorneq (suliarinera, qanoq annertutiginiissaa kiisalu aningaasartuutit)

Narsarsuarmiut, Qassiarsummiut aammalu tamatuma eqqaani savaateqarfimmiut nunamik tamatuminna ilisimasaqarluartut peqatigalugit nalunaarusiaq suliarineqarpoq. Tamatuma malitsigisaanik nalunaarusiap imarisai siunissami kommunip asimi takornariartitsinermik inuussutissarsiutinillu ineriartortitsinermi pilersaarusiornerani periusissioneranilu atorluarneqarsinnaapput (savaateqarfiit, nunaleriviit, nunaqarfiit illoqarfiillu akornanni aqquserniorneq).

Piujuartitsineq:

Najukkami sulisussanik atorussanillu atorluaanikkut kommunip piujuartitsineq pillugu politikkaa nalunaarusiakku tapersorsorneqarpoq.

Aningaasatigut sulisoqarnikkullu naliliinerit:

Referat
Kommunalbestyrelse – ileqquusumik ataatsimiinneq 03/2020

Nalunaarusiaq aningaasatigut iluanaarutissatut aammalu tappavani ineriartornermi periarfissat pillugit ilisimasamik avitseqatigiiffittut isigisariaqarpoq.

Allaffeqarfiup naliliinera:

Ingerlatsiviup naliliinera naapertorlugu kommunip attaveqaatit pilersuinermilu aqqutit pillugit sukumiisumik pilersaarusiorneranut ilaasariaqarpoq.

Inassuteqaat

Taamaammat inassutigineqarpoq:

- Nalunaarusiaq tiguneqartoq ataatsimiititaliamit tusaatissatut tiguneqassasoq kiisalu Aningaasaqarnermut Ataatsimiititaliamut Kommunalbestyrelsimullu ilisimatitsissutitut ingerlateqqinneqassasoq,
- nalunaarusiaq Kommune Kujallermi savaateqarfiit, nunaleriviit, nunaqarfiit illoqarfiillu akornanni attaveqaatit pilersaarusiorfigineqarnerannut ilaassasoq

Inatsisitigut tunngaviit: Pilersaarusiorneq aamma nunaminertat atorneqartarnerat pillugit Inatsisartut inatsisissat nr. 17, 17. november 2010-imeersoq aamma Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisissat nr. 16, 17. november 2010-imeersoq § 6, imm. 3,

Aningaasartai: Soqanngilaq

Teknikkeqarnermut Ataatsimiitsitaliap Inassuteqaataa: Akuersissutigineqassasoq

Pisortaanerit inassuteqaataat: Innassuteqaat tusaatissatut tiguneqassasoq.

APA 05-2020 Aalajangiineq: Akuerineqassasoq inassutigalugu kommunalbestyrelsimut ingerlateqqinneqarpoq, sulinerullu ingerlaqqinnerani ilanngunneqarnissaa siunertaralugu aamma nalunaarusiaq Namminersorlutik Oqartussanut nassiunneqassaaq.

Aalajangiineq: Akuersissutigineqarpoq. Imaqarniliap kalaallisoortaani aningaasaqarnermut ataatsimiititaliap imaqarniliaa erseqqissarneqassaaq, tamatumanimi namminersorlutik oqartussat sulinermut peqataanissaat siunertaralugu nalunaarusiamik nassinneqartussaapput.

**IMM. 16. QIMMIT QITSUILLU PILLUGIT ILEQQOREQQUSAP NUTAAP
INAARUTAASUMIK AKUERINEQARNISSAA.**

Teknikkimut Avatangiisinullu Ingerlatsivik qimmeqarnermut qitsuuteqarnermullu nutaamik ileqqoreqqusaliorpoq.

Ileqqoreqqusat 29. november 2019 Teknikkimut Avatangiisinullu Ataatsimiititaliamit akuersissutigineqarput.

Ileqqoreqqusat 2019-imi septembarip 11-anniit oktobarip 23-ata tungaanut tamanut ammasumik tusarniutigineqarput. Tamatuma kingorna ileqqoreqqusat 2019-imi decembarip 12-ianniit 2020-mi januaarip 23-ata tungaanut savaatilinnut immikkut ittumik tusarniutigineqarput.

Ileqqoreqqusassatut missingiutit Aningaasaqarnermut Ataatsimiititaliamut saqqummiunneqarput (02/2020) kiisalu Kommunalbestyrelsimut saqqummiunneqarlutik 19-02-2020.

Referat
Kommunalbestyrelse – ileqquusumik ataatsimiinneq 03/2020

Ileqqoreqqusat pillugit pisortaanerit ima oqaasissaqarput:

1. Aningaasaqarnermut Ataatsimiititaliap inassutigaa pilaanikkut kinguaassiorsinnaajunnaarsitsineq ajornanngippat atorneqartassasoq nakorsaatit atorlugit kinguaassiorsinnaajunnaarsitsinermit sianiinaarisooqarsinnaasarnera pillugu.
2. Savaateqarfinni qimmit avataaneersut pitussimatinneqartassasut.
3. Qimmit qitsuillu pilaanikkut kinguaassiorsinnaajunnaarsitat - § 9-imi iluarsineqassaaq imaalillugu qimminik qitsunnillu kinguaassiorititsinermit pissarsianik tuniniaanermit taakkuninnga piginnittoq pilaanikkut kinguaassiorsinnaajunnaarsitsinermit aningaasartuutitut akiliissaaq
4. Kalaallisuuani § 9 imm. 2-mi qimminut qitsunullu angutivissanut tunngasoq amigaataavoq. - iluarsineqassaaq imaalillugu
5. qimmit qitsuillu angutivissat/arnavissat tamarmik kinguaassiorsinnaajunnaarsinneqassapput.
6. Kommunalbestyrelsip ataatsimiinnissaa sioqqullugu ileqqoreqqusat erseqqisarneqassapput malittarisassartaalu paasiuminarsarneqassallutik.
7. Stine Egede aamma Naja Lundip kissaatigaat imaqarniliamut ilanngunneqassasoq qimmit piginnaaneri savaatilinnit atorluarneqarsinnaassappata kinguaassiorsinnaajunnaarsinnissaat pinngitsaaliissutaassanngitsoq. Ajornartorsiut taanna ileqqoreqqusani aaqinneqassaaq.

Imm. 1 pillugu:

Teknikkimut Avatangiisinullu Ingerlatsivik § 9, imm. 1 aamm 2-mi allappoq ajornanngippat pilaanikkut kinguaassiorsinnaajunnaarsitsineq atorneqartassasoq, aammalu qimmimik qitsummilluunniit pilaanikkut kinguaassiorsinnaajunnaarsitsineq ajornannginnersoq nalornissutigineqarpat kommunalbestyrelsi suliami aalajangiisuusussaassasoq.

Teknikkimut Avatangiisinullu Ingerlatsiviullu kaammattuutigaa aalajangersagaq taanna piviusunnngortinneqassanngitsoq tassami tamanna qaqugukkut ajornannginnersoq kommunip sulisuinut aalajangeruminaaqimmat. Aalajangernerup malitsigisaanik qimmimik nalunaarsuisooqarneri tamaasa Teknikkimut Avatangiisinullu Ingerlatsivik naliliisariaqartassaaq qimmip pilaanikkut kinguaassiorsinnaajunnaarsinneqarnissaa piginnittumut ajornassannginnersoq. Ingerlatsivik Aningaasaqarnermut Pilersaarusiortarnermullu Ataatsimiititaliamut apeqquteqarpoq taama aalajangiisoqartassappat suut tunngavigineqassanersut, akineqanngilarli.

Pilaanikkut kinguaassiorsinnaajunnaarsitsineq Nuummi Danmarkimilu ajornanngilaq uumasunut nakorsiartarfivinnik peqarmat, Kommune Kujallermili aatsaat taamaaliornissaq ajornartanngilaq uumasut nakorsaqqarfit uumasut nakorsaannik atorfeqartitsigaangat, aammalu suliami saniatigut namminersorluni uumasut nakorsiartarfiannik ingerlatsinissamut kajumissuseqaraangat. Oqaatigineqassaaq siusinnerusukkut uumasut nakorsarisimasaat, Lajos Zoltan Muzs, Qaqortumi uumasut nakorsaqqarfianni atorfeqarsimasoq qimminik qitsunnillu angutiviaannarnik pilaanikkut kinguaassiorsinnaajunnaarsitsisarsimammat, taamaaliornarup qimminik qitsunnillu arnavissanik kinguaassiorsinnaajunnaarsitsisarnermit ajornannginnerujussuunera pissutigalugu. Massakkut uumasut nakorsarisaat Inge Ottosen, nakorsaatit pilaanerlu atorlugit kinguaassiorsinnaajunnaarsitsisarpoq, Inge Ottosenili sivisuumik napparsimalluni qaammatini marlunni sulinngilaq, napparsimanera sivitsorneqassanngippat. Taamaammat aalajangersagaq

Referat
Kommunalbestyrelse – ileqquusumik ataatsimiinneq 03/2020

nalornilersitsivoq qimmip qaqugukkut pilaanikkut kinguaassiorsinnaajunnaarsinneqarnissanik annertusisamik piumasaqaateqartoqassanersoq.

Aamma aalajangersagaq akuerineqassagaluarpat oqartoqarsinnaalissaaq kommune inunnik assigiinngisitsilissasoq, tassami nunaqarfimmi imaluunniit Narsami Nanortalimmilu Qaqortormiunut sanilliullugu qimmeqarnermik ajornakusoornerulersitsissaqaaq Qaqortumi uumasut nakorsaqsarimariarpat qimminik angutivissanik arnavissanillu pilaanikkut kinguaassiorsinnaajunnaarsitsisartumik. Aamma assigiinngisitsisoqarneranik oqartoqarsinnaassaaq Qaqortumi uumasut nakorsaat aalajangeqqissagaluarpat qimmit qitsuillu arnavissat pinnagit taamaallaat angutivissat pilaanikkut kinguaassiorsinnaajunnaarsittarniarlugit. Taamaalillutik inuit arnavissamik uumasuteqarumasut angutivissanik qimmilinniit anneroqisumik aningaasartuuteqartinneqassapput.

Qimmit angutivissat arnavissanut sanilliullugit pilannerisa allaassuteqarnerujussuat pissutigalugu pilaanerit akii assigiinngisaat. Ilanngussaq 1-imi takuneqarsinnaasutut, tassa Nuummi Donnas Dyreklinikkip akigititani, qimmip angutivissap kinguaassiorsinnaajunnaarsinneqarnera 1.800 koruuneqarpoq qitsuullu angutivissap kinguaassiorsinnaajunnaarsinneqarnera 800 koruuneqarluni, taavalu qimmip arnavissap kinguaassiorsinnaajunnaarsinneqarnera 3.975 koruuneqarpoq qitsuullu arnavissap kinguaassiorsinnaajunnaarsinneqarnera 1.800 koruuneqarluni. Kapputit naartunaveersaatit 290 koruuneqarput taavalu 15 kiilut siulliit saniatigut kiilumut 50 koruuneqarlutik.

Inuit qimmimik qitsummilluunniit pilaanikkut kinguaassiorsinnaajunnaarsitsisinnaassusiat naliliiviginiarlugu inuit aningaasaqarnerat pillugu paasissutissanik Teknikkimut Avatangiisinullu Ingerlatsivik pissarsiniartassanersoq erseqqinngilaq.

Imm. 2 pillugu:

Qimmit qimuttut kiisalu qimmeqarnek qitsuuteqarnerlu pillugit Inatsisartut inatsisaanni nr. 18, 30. oktober 1998-imeersumi § 9 naapertorlugu qimmit qaammatit arfinillit sinnerlugit utoqqaassusillit pituuttaqanngikkunik, mattusimaneqarnissaat, imaluunniit ungalusani ineqarfinniitinneqarnissaat imaluunniit pituuttaqartinneqarnissaat imm. 1-imi aalajangersagaavoq. Imm. 1-imi aalajangersakkanut ilaatinneqanngillat savaatillit qimmii, qimmit sulisitat naalackersugaasut kiisalu qimmit illoqarfiup avataani aallaaniarnermut suliffiulluunniit avataatigut sammisaqarnermut atorineqartut aamma naalackersugaasut, kiisalu qimmit qeqertani qimmilivinni akuerisaniittut.

Inatsit atuuttoq akertilerlugu kommune inatsisiliorsinnaatitaanngilaq, taamaammat qimmip illoqarfiup nunaqarfiullu avataanni pituuttaqartinneqarnissaanik ileqqoreqqusami aalajangersagaliorsinnaanani. Teknikkimut Avatangiisinullu Ingerlatsiviup kaammattuutigissavaa sumiiffinni qimmit pitussimanngitsut ajornartorsiuutigineqarfiini qimmit pitussimanissaannik kissaateqarlutik savaatillit allagartarsualiussasut.

Imm. 3 pillugu:

- a) Ileqqoreqqusat kalaallisui danskisuiunut naapertuuttunngorlugit iluarsineqassapput.
- b) Qimminik kinguaassioortitanik tuniniaanermi kinguaassiorsinnaajunnaarsitsinermut aningaasartuutit matussusiisarnermut aalajangersagaq pillugu TAI imak oqaaseqaatissaqarpoq:

Inuit kinguaassioortitsinissamut akuerineqaraangata ileqqoreqqusatigut piumasarineqarsinnaanngilaq qimmit kinguaassioortitat taamaallaat nioqquteqarikkut allanut tunniunneqarsinnaassasut. Tassa inuit aningaasatigut iluanaaruteqanngikkaluarlutik qimminik tunniussinissamut

Referat
Kommunalbestyrelse – ileqquusumik ataatsimiinneq 03/2020

pisinnaatitaaffeqarput. Qimmit tamarmik pilaanikkut nakorsaatilluunniit atorlugit kinguaassiorsinnaajunnaarsinneqarsimanissaat ileqqoreqqusatigut piumasarineqarmat, aammalu ileqqoreqqusat atuutilerniariarpata qimminik piginnittut tamarmik aalajangersakkat ataaniilersussaammata taava tamatuma peqatigisaanik kia aningaasartuutinik akiliisuunissaanik piunasaqaasiortoqarnissaa Teknikkimut Avatangiisinullu Ingerlatsivimmiit naammaginartutut isigineqanngilaq. Aammattaaq taamaaliortoqassappat ingerlatsivik saniatigut nakkutilliisariaqalissaqaaq, tassami ingerlatsivik qimmit kinguaassiorsinnaajunnaarsinneqarsimanerannik qularnaariinnarani aamma pilaanikkut nakorsaatilluunniit atorlugit kinguaassiorsinnaajunnaarsitsinermut aningaasartuutinik kina akiliisuusimanersoq nakkutigisariaqalissammagu.

Imm. 4 pillugu:
Iluarsineqarpoq.

Imm. 5 pillugu:
Imm. 4-mi kissaat ileqqoreqqusani ilaajuaannarsimavoq.

Imm. 6 pillugu
Teknikkimut Avatangiisinullu Ingerlatsiviup tassani suna pineqarnersoq nalornissutigaa.

Imm. 7 pillugu:
Ileqqoreqqusat allanngortillugit § 10-mik ilaneqarput, taannalu ima allassimavoq:

§ 10. Qimmit sulinermi atorneqartartut 9 imm. 1 aamma 2-mi pineqanngillat.

Imm. 2. Qimmit sulinermi atorneqartartut matumani tassaapput qimmit suliassanut immikkut ittunut sungiusakkat kiisalu inunnut innarluutilinnut piginnaanikittunulluunniit ikiortitit imaluunniit inuussutissarsiordermi sulinermiluunniit atorneqartartut. Qimmeq sulinermi atorneqartarnersoq nalornissutigineqarpat kommunalbestyrelsi suliarni aalajangiissaaq.

Inassuteqaat
Teknikkimut Avatangiisinullu Ingerlatsivimmiit Teknikkimut Avatangiisinullu Ataatsimiititaliamut inassutigineqarpoq:

- Ajornartinnagu pilaanikkut kinguaassiorsinnaajunnaarsitsisarnissamik aalajangersagartalernagit Kommune Kujallermi Qimmeqarnermut qitsuuteqarnermullu ileqqoreqqusat 2019-imeersut ataatsimiititaliap akuerissagai.
- ileqqoreqqusat Namminersorlutik Oqartussat kiisalu Kommune Kujalliup nittartagaasigut tamanut saqqummiunneqassasut

Inatsisitigut tunngaviit:

- Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersaq. Kommunit qimmit qitsuillu pillugit ileqqoreqqusaat pillugit Namminersornerullutik Oqartussat nalunaarutaat nr. 15 ulloq 19. juni 2003-imeersaq

Aningaasartai: Soqanngilaq

Teknikkeqarnermut Ataatsimiititaliap Inassuteqaataa:
Ataatsimiititaliap pilaalluni kinguaassiorsinnaajunnaartitsisarneq attatiinnarpaa.

§ 10-mi qimmit sulisartut suunersut pillugit nalunaarsuiffimmik kakkiussisoqqassaaq.

Pisortaanerit inassuteqaataat: Inassuteqaatigineqarpoq akuersissutigineqassasoq tamanut nutaamik tusarniaasoqarnissaa siunertarlugu, pioreersumut sanilliullugu allannguutit annertummata.

APA 05-2020 Aalajangiineq: Kommunalbestyrelsimut ingerlateqqinneqassaaq nutaamik tusarniaasoqarnissaata akuerineqarnissaanik inassuteqaatitalerlugu.

Aalajangiineq: Akuersissutigineqarpoq. Inuit Ataqtigiit allannguisoqarnissaannik kissaatertik malinneqartoq imaqarniliamut ilanngunneqarnissaa kissatigaat.

IMM. 17 - OQALUSERISASSANNGORTEQOITAQ, KOMMUNIMUT PILERSAARUTIP ILASSUTAATUT SIUNNERSUUT NR. 18, NARSAMI ILIVEQARFITTAASSAQ

TAA-p 04/2020-mi ataatsimiinnerani ”Kommunimut pilersaarutip ilassutissaatut siunnersuut nr. 18, Narsami iliveqarfittaassaq” oqaluuserineqarpoq. Pilersaarummi pineqartoq tassaavoq Narsami nunap ilaa Nuugaarmiut eqqaanniitoq, taannaavorlu ilagiit kingulliit marluk Kommune Kujallermi Kommunimut pilersaarummut ilanngutissallugu aalajangiussimasaat. Taamaalilluni sumiifiup ilaa ukiuni kingullerni 10-15-ini iliveqarfissatut toqqarneqarsimavoq, taamaammatt sumiiffiup ilaanut tassungarpiaq tunngatillugu Kommunimut pilersaarutip ilassutaa suliarineqarsimavoq.

Taamaattorli ataatsimiititaliap aalajangernerani erserpoq nunap ilaa tamanna iliveqarfissatut itigartinneqarsimasoq, taarsiullugu nunap ilaa Qatserisarfiup eqqaanniitoq siunertamut atorneqarnissaa misissorneqaqquneqarera peqqutigalugu. Ingerlatsiviup taamaammatt periarfissaq misissorsimavaat sumiiffik tamanna ilanngunniarlugu.

Pissutsit atuuttut

Narsami Teknikkimut Ingerlatsivik misissuinermit ilanngunneqarsimavoq uppersarsinnaallugulu nunap ilaa kissaatigineqartoq Qatserisarfiup eqqaanniitoq iliveqarfisallugu tulluurtuunngitsoq, peqqutigalugu ullumikkut nunap ilaa tamanna masarsuummat ullumikkullu kussiniliornikkut paqqertinniarneqarluni. Sumiiffik ilanngussami 2-mi takuneqarsinnaavoq, sumiiffik masarsuusup kussineqarfiusullu nunataata assinga.

Piujartitsineq:

Sumiiffimmi masarsuusumi tamatigut kussinilersuiffiusariaqartumi iliveqarfiliornissaq piujartitsinertut isigineqanngilaq.

Aningaasatigut sulisunullu tunngatillugu naliliineq Nuugaarmiunut eqqaani sumiiffik qangali iliveqarfiliorfissatut eqqarsaatigineqarsimavoq 2016-imillu allatigut suliani nunaminernik qallukkanik ilioqqaavittut atorneqartarsimalluni. Taamaammatt sumiiffiup iliveqarfissatut nutaatut atorneqalernissaanut aningaasanik sulisunillu atuiffioreernikuuvoq. Taamaammatt atuutilernissaa sioqqullugu nangittumik issumik immerneqartariaqarpoq, taavalu nalinginnaasumik imaluunniit ujaqqanik ungaluliorfigineqartussaalluni. Sumiiffiup allap inerisarnissaa aalajangiunneqarpat, maannamut suliarisimasat aningaasatigut sulisutigullu asuli atuiffiusutut isigineqassapput.

Allaffeqarfiup naliliinera Ilanngussami 2-mi takuneqarsinnaasutut nunap ilaa alla TAA-p 04/2020-mi ataatsimiinnerani periarfissatut siunnersuutigineqartoq iliveqarfissatut atussaallugu

Referat
Kommunalbestyrelse – ileqquusumik ataatsimiinneq 03/2020

tulluannigilaq. Manna tikillugu piareersaataareersimasut Nuugaarmiullu eqqaanni nutaamik iliveqarfiliornissamik sanaartornissaq sanilliutissagaanni, maannamut inissitaq tulluarnepaasutut nalilerneqarpoq, tassalu aningaasaqarneq, manna tikillugu sulisoqarnermut atorneqarsimasut taamatuttaarlu piujuaannartitsineq eqqarsaatigalugit.

Inassuteqaat, Taamaattumik inassutigineqarpoq:

- Ataatsimiititaliap aallaqqaammut siunnersuutigineqarsimasutut Nuugaarmiunut eqqaanni nunaminertani iliveqarfittaassaq inissinneqassasoq akuerissagaa,
- Teknikkimut Avatangiisinullu Ataatsimiititaliap "Kommunimut pilersaarutip ilassutaanut siunnersuut nr. 18, Narsami iliveqarfittaassaq" akuerissagaa.
- Ataatsimiititaliap "Kommunimut pilersaarutip ilassutaatut siunnersuut nr. 18, Narsami iliveqarfittaassaq" APA-mut aamma KB-mut akuerisassanngorlugu ingerlateqqissagaa, kinguneratigullu sap. akunnerini arfineq-pingasuni tamanut ammasumik tusarniutigineqarluni.

Inatsisitigut tunngaviit: Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq aamma Inunngortunik toqusunillu nalunaaruteqartarneq, ilisinerit iliveqarfifillu pillugit Inatsisartut inatsisissaat nr. 13, 6. Juni 2016-imeersoq § 16

Aningaasartai: Soqanngilaq

Teknikkeqarnermut Ataatsimiititaliap Inassuteqaataa: Ataatsimiititaliap Nuugaarmiunut eqqaanni nunaminertaq iliveqarfittaassatut siunnersuutigineqartoq akuersissutigissagaa "Kommunimut pilersaarutip ilassutaatut siunnersuut nr. 18, Narsami iliveqarfittaassaq" APA-mut aamma Kommunalbestyrelsimut akuersissutigineqarnissaa innersuussutigalugu nassinneqassasoq tullianilu kikkunnut tamanut sap. ak. arfineq-pingasuni tusarniaassutigineqarnissaanut nassinneqassasoq.

Pisortaanerit inassuteqaataat: Akuerineqassasoq inassutigineqarpoq.

APA 05-2020 Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inassuteqaatigalugu.

Aalajangiineq: Akuersissutigineqarpoq.

IMM. 18 PILERSAARUSIORNERMI PERIUSISSIAQ KOMMUNE KUJALLEQ 2019 - 2023

Pilersaarusiortarnermut inatsimmi piumasarineqarpoq ukiut sisamakkaarlugit pilersaarusiornermi periusissiaq suliarineqartassasoq, tassa Kommunalbestyrelsimut qinigaaffinni tamani. Kommune Kujallermi Kommunalbestyrelsip pilersaarusiornermut periusissiaa 2019-imi aasakkut ukiakkullu suliarineqarpoq. Suliarineqarnera kommunip ingerlatsiviisa ataatsimiititaliallu tamarmik, Aningaasaqarnermut ataatsimiititaliap kiisalu Kommunalbestyrelsip qanimut suleqatigiinnerisugut ingerlanneqarpoq. Pilersaarusiornermi periusissiaq Kommunalbestyrelsip 19. februar 2020 ataatsimiinnermini inaarutaasumik akuersissutigaa.

Referat
Kommunalbestyrelse – ileqquusumik ataatsimiinneq 03/2020

Pissutsit atuuttut

Pilersaarusiordermi periusissiap suleqatigiissutigineqarnerani Suleqatigiinnissamik isumaqatigiissut 2017-imi upernaakkut Kommunalbestyrelsip inissitsiternerani isumaqatigiissigineqarsimasooq kiisalu periusissanik anguniakkanillu ingerlaavartumik ineriartortisinerit ingerlatsivinni ataasiakkaani pisarsimasut tunngavigineqarput. Inuussutissarsiornermik takornariartitsinermillu ineriartortitsinermi kiisalu ingerlatsivinni allani, Innovation South Greenlandimi kiisalu UNESCO KIJATAA-ta akisussaaffiini anguniakkanut periusissianullu ineriartortitsinikkullu suliniutinut Kommunalbestyrelsip anguniagai periusissiaalu ataqatigiissaarneqarsimapput.

Piujartitsineq:

”Pilersaarusiordermi periusissiaq 2019-2023” piujuaannartitsinermik tunngaveqarluni kommunip ineriartortitserata ilorrap tungaanut saatsinneqarnissaa pingaarnertut tunaartaralugu suliarineqarsimavoq.

Aningaasaqarnikkut sulisoqarnikkullu naliliinerit

2019-2023-mi Pilersaarusiordermi Periusissiap suliarineqarnerani suleqatigiinneq ingerlatsiviit, ataatsimiititaliat ataasiakkaat ataatsimiittarnerini, 2019-ip aasaanerani nunaqarfimmiunik ataatsimiititsisarnerni sulisunik aningaasanillu atuiffiunerpaasimavoq. Pilersaarusiordermi periusissiap inaarutaasumik akuerisaasup naqiternera kiisalu maanna kommunimi illoqarfinni, nunaqarfinni, savaateqarfinni nunalerivinnilu inoqutigiinnut tamanut agguanneqarnissaa aningaasatigut kinguneqarsimapput.

Siusinnerusukkut suliamik saqqummiussissutini oqaatigineqarpoq naqiternera 200.000 koruunit missaanni akeqassasoq. Ingerlatsivik siullermik Danmarkimi naqiterivimmik atoreersimasatsinnik neqerooruteqartitsivoq. Neqeroorutigineqarporlu 139.000 koruunit Piujuaannartitsinermik periaaseqarneq tapersersorumalugu Narsami suliffeqarfik ”Illu Design” ilanngullugu neqeroortinneqarpoq, tamatumalu inernera tassaavoq ”2019-2023-mi Pilersaarusiordermi Periusissiap” aaqqissornera naqinneralu taamaallaat 40.000 koruunit missaannik akeqartussanngormat tassa ileqqaarutit 100.000 koruuniullutik Danmarkimi neqeroorutigineqaaqqaartumut sanilliullugit.

Allaffeqarfiup naliliinera:

Amerlasuunik suleqateqarluni Pilersaarusiordermi periusissiap suliarinera pitsaasimaqaaq, naleqarsimaqaluni pilersitseqatigiiffiusimallunilu kiisalu kommunip ingerlatsiviinik ataatsimiititalianillu, tamarmik siunissami pitsaasumik ineriartortitserusuttunik, nalituumik oqaloqateqarfiusimalluni. Ineriartortitserup sammivissaanut sulinermi anguniagassat suliniutissallu eqqarsaatigalugit pilersaarusiordermi periusissiaq ataatsimut sakkussaraarput. Pilersaarusiordermi periusissiaq qinikkat, allaffeqarfiit innuttaasullu ulluinnarni sulineranni Kommune Kujalliup najoqqutassaraa.

Pilersaarusiordermi periusissiaq 16. april 2020 RAL-ikkut tikittussaagalarpoq, ajorluartumilli tunniunneqarnissaa 26. april 2020-mut kinguarpoq. Allaffeqarfiimmit tiguneqariariapat kommunimi inoqutigiinnut inoqarfinnullu tamanut agguanneqassaaq.

Pilersaarutit allat assiginagit Pilersaarusiordermi periusissiaq tamanut tusarniaassutigineqartariaqanngilaq. Pilersaarusiordermi periusissiaq pilersaarutit allatulli aalajangersimasunik tigussaasunillu pilersaarusiorderfiuneeq ajorpoq, tassaallunilu kommunip ineriartortitserani anguniagassanik periusissianillu Kommunalbestyrelsip akuerisaanik aalajangersaaffiusooq.

Referat
Kommunalbestyrelse – ileqquusumik ataatsimiinneq 03/2020

Inassuteqaat

Taamaammat inassutigineqarpoq:

- 2019-2023-mi Pilersaarusionermi Periusissiaq kommunip siunissaa pillugu ataatsimut massakut politikikkut ingerlaasissaanik, anguniaanik periusissaanillu katersuiffittut inaarutaasullu Ataatsimiititaliap tusaatissatut tigussagaa,
- "2019-2023-mi Pilersaarusionermi Periusissiaq" ilisimatitsissutitu tusaatissatullu Aningaasaqarnermut Ataatsimiititaliamut Kommunalbestyrelsimullu Ataatsimiititaliap ingerlateqqissagaa.

Inatsisitigut tunngaviit: Pilersaarusionerq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq.

Aningaasartai: Soqanngilaq

TAA-p inasuteqaataa: Tusaatissatut tiguneqarpoq kiisalu inassuteqaatitalerlugu Aningaasaqarnermut Pilersaarusionermullu Ataatsimiititaliamut (APA-mut) aamma Kommunalbestyrelsimut (KB-mut) ingerlateqqinneqassasoq inassutigineqarluni.

Pisortaanerit inassuteqaataat: Akuerineqassasoq inassutigineqarpoq.

APA 05-2020 Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inassuteqaatigalugu.

Aalajangiineq: Akuersissutigineqarpoq.

**IMM. 19 QAOORTUMI BUSSINIK INGERLATSINISSAMUT
SULIARIUMANNITTUSSARSIUUSSINEQ**

Bussinik ingerlatsinissamut sulariumannittussarsiuussinissap aallartisarnissaa pillugu ataatsimiititaliap ulloq januarip 30-anni 2020-mi ataatsimiinnerminni (02) akuersissutigereerlugu Ingerlatsiviup allakkat sulariumannittussarsiuussinermut tunngasut tamanut ammasumik saqqummiunniarpai.

Sulariumannittussarsiuussineq Qaqortup iluani nassiuusunneqassaaq, Qaqortullu illoqarfittaanuinaq tunngassuteqarluni.

Inassuteqaat

Teknikkimut Avatangiisinullu Ingerlatsivimmiit Teknikkimut Avatangiisinullu Ataatsimiititaliamut inassutigineqarpoq:

- Sulariumannittussarsiuussinermut allakkat bussinillu ingerlatsinissamut tunngatillugu sulariumannittussarsiuussinissamut paasissutissat akuerineqassasut.
- Sulariumannittussarsiuussinermut allakkat akuerisat tamanut ammasumik nalunaarutigineqassasut.
- Bussit tuneqqinneqarnissaat akuerineqassasoq.
- Suliaq inassuteqaatitalerlugu Aningaasaqarnermut Pilersaarusionermullu Ataatsimiititaliamut aamma Kommunalbestyrelsimut ingerlateqqinneqassasoq.

Aaqqiissutissatut siunnersuut – suliatigut naliliineq

Teknikkimut Avatangiisinullu Ingerlatsiviup nalilerpaa bussip tuneqqinnera kommunimut siliariumannittussarsiuussinermullu ajugaasumut pitsaanerpaassasoq. Taamaammatt siunnersuutigineqarpoq busi kommunimit pisiarineqarnerani akia 956.000 koruunik naleqartoq aallaavigalugu tunineqassasoq. Taanna tamaat ataatsikkut akilerneqassaaq. Bussissamaat kommunimit tigummiinnarneqassaaq. Taanna siunissami kommunimit inunnik sullissisivinnit atorineqarsinnaassaaq, ass. meeqqeriviinniit atuarfimiilluunniit angalaatsiartoqaleraangat.

Isumaqatigiissummi kommunip ingerlatsinermut suliassaqarfiini namminersortunngorsaaneq aamma/imaluunniit siliariumannittussarsiuussineq innersuunneqarpoq. Isumaqatigiissut, Kommune Kujallermi piffissaq qinigaaffik 2017-2021.

Inatsisitigut tunngaviit: Kommunimut piginnaatitsissut.

Aningaasartai: Qulaani nassuiarneqarneratut.

TAA-p inasuteqaataa: Akuerineqarpoq

Pisortaanerit inasuteqaataat: Akuerineqassasoq inassutigineqarpoq.

APA 05-2020 Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inasuteqaatigalugu.

Aalajangiineq: Akuersissutigineqarpoq.

IMM. 20. QASSIARSUMMI, ITILLIMI KIISALU UPERNARVIARSUMMI PUTTASUT NAAMMASSINEQARNISSAANNUT MISSINGERSUUTITIGUT NIKISITSINEQ

Qassiarsummi, Itillimi kiisalu Upernarviarsummi puttasunik Qaqortumisut ittunik pisariaqartitsisoqaqaaq sila sikullu pissutigalugit. Minnerunngitsumik talittarfiit takornarialerisunit allanillu atorineqartarnerujussuat pissutigalugu.

World Heritage Kujataa, puttasut pingasut naammassineqarnissaannut atortussanik 2019-imi pisivoq.

Isumaqatigiissutigineqarpoq Teknikkeqarfik puttasut pingasut nunamullu qajannaarfissaannik sananissamat piunasaqaatinik naammassinnittunut siumoortumik siliariumannittussarsiuussasoq.

Aammattaaq Teknikkeqarfik Qassiarsummi Itillimilu nunamut qajannaarfissat pilersaarusiorneqarnerinik siliariumannittussarsiornerinillu isumaginnittussanngorpoq.

Isumaqatigiissutigineqarpoq Upernaviarsummi nunamut qajannaarfissaa World Heritage Kujataata kiisalu Upernarviarsuup namminneq isumagissagaat.

Inuussutissarsiornermut Ataatsimiititaliaq suliamut tassunga 800.000 koruuninik aningaasaliisimavoq. Taakku pilersaarusiornermut, siliariumannittussarsiornermut nunamullu qajannaarfiata aningaasalersorneqarneranut atorineqassapput.

Aallaqqaataaniit puttasut puttaqutitassaannik pisisoqarsimanngimmat maanna taakku aningaasarsiuunneqassapput.

Sullullit 30-t 290.000 koruuninik akeqassapput.

Agguarneri:

Referat
Kommunalbestyrelse – ileqquusumik ataatsimiinneq 03/2020

Inuussutissarsiornermut immikkoortortap aningaasaliissutigissavai 119.000 koruunit
Teknikkeqarfik Asfaltilerinnermut kontumiit 100.000 koruuninik suliamut nuussinissamik
qinnuteqassaaq.

World Heritage Kujataata aningaasaliissutigissavai 71.000 koruunit

Inassuteqaat

Teknikkimut Avatangiisinullu Ingerlatsivimmiit Teknikkimut Avatangiisinullu Ataatsimiititaliamut
inassutigineqarpoq:

- ataatsimiititaliap akuerissagaa asfaltilerinnermut kontumiit 20-01-00-12-00-imiit 100.000 koruunit
kontumut nutaamut puttasunut konto 7-mut nuunneqassasut.

- Suliaq akuerineqassasoq kaammattuutigalugu Aningaasaqarnermut Pilersarusiornermullu
Ataatsimiititaliamut aamma Kommunalbestyrelsimut ingerlateqqinneqassasoq.

Inatsisitigut tunngaviit: Kommunimut piginnaatitsissut kiisalu missingersuusiortarnermut
naatsorsuusiortarnermullu inatsimmi § 23, imm. 2, oqaaseqatigiit 3.

Aningaasartai: Aningaasartai suliami nassuiarneqartutut ipput.

TAA-p inasuteqaataa: Inassuteqaatit akuersissutigineqarput.

Pisortaanerit inassuteqaataat: Akuerineqassasoq inassutigineqarpoq.

APA 05-2020 Aalajangiineq: Kommunalbestyrelsimut ingerlateqqinneqassaaq
akuersissutigineqarnissaanik inassuteqaatigalugu.

Aalajangiineq: Akuersissutigineqarpoq.

**IMM. 21. QIMMEQARNERMIK NAKKUTILLIISUMUT MISSINGERSUUTITIGUT
NIKISITSINEQ**

Kommunalbestyrelse februaarip ulluisa 19-ianni ataatsimiinnermini aalajangerpoq 2020-imi juunip
aallaqqaataa aallarnerfigalugu qimmeqarnermik nakkutilliisumik atorfinitsitsisoqassasoq, tamannalu
teknikkeqarfiup ingerlatsinnermut kontuata iluanit aningaasalersorneqassasoq.

Konto 20 00 00 01 10-17-imi 2020-mut missingersuutinit avatangiisilerisutut atorfimmut suli
inuttalerneqanngitsumut 450.000 koruuninik immikkoortitsisoqarsimavoq.

Taamaammat atorfimmit tassannga ukiup affaanut akissarsiassat konto 22 02 20 01 10-01-imit
nuunneqarnissaat qinnutigineqarpoq.

- Qimmeqarnermik nakkutilliisutut atorfik.

Inassuteqaat

Teknikkimut Avatangiisinullu Ingerlatsivimmiit Teknikkimut Avatangiisinullu Ataatsimiititaliamut
inassutigineqarpoq:

Referat
Kommunalbestyrelse – ileqquusumik ataatsimiinneq 03/2020

- - Konto 20 00 00 01 10-17-imiit 225.000 koruunit konto 22 02 20 01 10-01-imut - qimmeqarnermik nakkutilliisumut nuunneqarnissaat ataatsimiititaliap akuerissagaa

Inatsisitigut tunngaviit: Missingersuusiortarnermut naatsorsuusiortarnermullu inatsimmi § 23, imm. 2, titarneq 3.

Aningaasartai: Aningaasartai suliame nassuiarneqartutut ipput.

TAA-p inasuteqaataa: Aalajangerneq ilisimatitsissutitut Aningaasaqarnermut Pilersaarusiortarnermullu Ataatsimiititaliamut ingerlateqqinneqassasoq.

Pisortaanerit inasuteqaataat: Akuerineqassasoq inassutigineqarpoq.

APA 05-2020 Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inasuteqaatigalugu.

Aalajangiineq: Akuersissutigineqarpoq. Immikkoortup taassuma oqaluuserineqarnerani Monica Dorph allamik pisassaqaarnini pillugu peqataangilaq.

IMM. 22. B-245/1, AAPPILATTUMI KOMMUNIP ILLUUTAA

Eqikkaaneq: Ingerlatsivik INI-miit ilisimatinneqarpoq Aappilattumi kommunip illutaa B-245 assut aserfallassimasoq najugaqarfittullu naatsorsuutigineqarunnaartariaqartoq.

INI illu pillugu paasissutissaatai;

Aappilattoq B-245 -001,
GL-3922 Nanortalik
Illu 21-109-245,
Ilaqutariinnut illualiaq ataatsimik initalik, nalinginnaasoq

Imeqaranilu kuuffeqanngilaq. Illu aserfallassimasorujussuaq sarfalik. Illu 27,30 m²-imik angissuseqarpoq.

Inatsisitigut tunngaviit:

- Kommunimut piginnaatitsissut
- Kiisalu inissiat attartortittakkat pillugit Inatsisartut peqqussutaat nr. 2, 12. maj 2005-imeersoq.

Aningaasartai:

TAA-p inasuteqaataa: Inassut akuerineqarpoq

Pisortaanerit inasuteqaataat: Akuerineqassasoq inassutigineqarpoq.

APA 05-2020 Aalajangiineq: Illu inissiatut atorunnaartussatut inassutigalugu kommunalbestyrelsimut ingerlateqqinneqassaaq.

Aalajangiineq: Akuersissutigineqarpoq. Immikkoortup taassuma oqaluuserineqarnerani Monica Dorph allamik pisassaqarnini pillugu peqataangilaq. Illu najugaqarfigineqarsinnaanerani aamma peqqinnissakkut illersorneqarsinnaaneraniq qulaajaasoqassasoq Inuit Ataqtigiit imaqarniliamut ilanngunneqarnissaa kissaatigaat.

IMM. 23. QAOORTUMI SULISUT INISSIAT TUIA B-1623/1624 - NUTARTIGAQ

Februaarip 19-ianni 2020-mi kommunalbestyrelsip ataatsimiinnerani aalajangerneqarpoq sulisumut inissiap B-1623-p (tungujortoq) qaliata naqqullu ataata oquiarneqarneranut kiisalu sulisunut inissiap B-1624-p (sungaartoq) nutarteriaqassusianik misissuinnermut 400.000 koruunit immikkoortinneqassasut.

(Februaarip 19-ianni 2020 suliap saqqummiunneqarnerani illut taakku tunuliaqutaat takukkit)

B-1623

Februaarilli naanerani illu tungujortoq B-1623 imermik ajoquserujussuarpoq kiassa at orsueruttoormat, oqoqarneranillu pasitsanneqarnera pillugu illu inoqanngimmat. Ajoquserneqarnera sillimmasiisarfimmiit matussuserneqarsinnaanngilaq. Imermik ajoqusernerup iluarseqqinneqarnissaa pillugu Teknikkeqarfik marsip qaammataani neqerooruteqartitsivoq. Neqeroorut appasinnerpaaq 630.000 koruuniuvoq. Sulisunut inissiaq najugaqarfigineqarqissinnaalersinniarlugu maanna kommune 1 million koruunit sinnerlugit akiliisariaqalissaaq.

Siusinnerusukkut illup pisiarinissaa soqutigineqartarsimammat, naallu illu imermik ajoqusernini pillugu nalikinnerulersimassagaluortoq, Teknikkeqarfimmiit inassutigineqarpoq illu tuniarneqassasoq.

B-1624

Illoqarfimmi oquk pillugu siunnersuisartutuaasup ulapaarnera pissutigalugu B-1624-p iluarsaattariaqassusia suli misissorneqanngilaq. Illu aputip sisoortarnera toqqaviatalu qarsunneqartarnera pissutigalugit inissisimaneerlummat Teknikkeqarfimmiit siunnersuutigineqarpoq nutarteriaqassusianik misissuiniaraluarneq unitsinnarlugu illu ingutserneqaannassasoq. Illulli atortuisa atoqqinnissaat inuussutissarsiortunit soqutigineqarsinnaammat Teknikkeqarfimmiit siunnersuutigineqassaaq illup ingutserneqarnissaa/nuunneqarnissaa piumasaqaatigalugu annerpaamik akiliiumasumut nioqqutigineqassasoq.

Aningaasatigut sulisoqarnikkullu naliliinerit:

2020: Teknikkimut Avatangiisinullu Ingerlatsivimmi suliarnut suliaqarnermut piffissaq

Nioqqutiginerani nalinga, kisiannili inissiatinit sulisunut inissiat marluk "annaaneqarlutik"

2021: Soqanngilaq

Inassuteqaat:

Teknikkimut Avatangiisinullu Ingerlatsivimmiit Teknikkimut Avatangiisinullu Ataatsimiititaliamut inassutigineqarpoq:

Referat
Kommunalbestyrelse – ileqquusumik ataatsimiinneq 03/2020

- B-1623 Kommune Kujalliup inissiaataanit peerneqassasoq taamaannermisullu tunineqassasoq.
- B-1624 Kommune Kujalliup inissiaataanit peerneqassasoq taamaannermisullu tunineqassasoq, tamatumani lu piumasaaqatigineqassasoq illu ingutserneqassasoq/nuunneqassasoq toqqavialu nuna iluarsaqqinneqassasoq
- Suliaq inassuteqaatitalerlugu Aningaasaqarnermut Pilersaarusiornermullu Ataatsimiititaliamut aamma Kommunalbestyrelsimut ingerlateqqinneqassasoq.

Inatsisitigut tunngaviit:

- Attartortitsisarneq pillugu inatsimmi 3, imm. 1, nr. 2 - Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq.
- Kommunimit piginnaatitsissut

Aningaasartai: Soqanngilaq.

TAA-p inasuteqaataa: Inassutigineqartut akuerineqassasut

Pisortaanerit inassuteqaataat: Akuerineqassasoq inassutigineqarpoq.

APA 05-2020 Aalajangiineq: Kommunalbestyrelsimut ingerlateqqinneqassasaaq akuersissutigineqarnissaanik inassuteqaatigalugu.

Aalajangiineq: Akuersissutigineqarpoq. Immikkoortup taassuma oqaluuserineqarnerani Monica Dorph allamik pisassaqaarnini pillugu peqataanngilaq.

IMM. 24. KOMMUNE KUJALLERMI INUSSUTISSARSIORNIKKUT ILLUUTAANIK ASERFALLATSAALIINERMUT PILERSAARUTIT PILERSAARUTIT PILLUGIT ILISIMATITSISSUT

Kommune Kujalleq ukiuni 2018-2020-mi inuussutissarsiornikkut kommunip illuutaasa 151-it pitsaassusiinik nalunaarusiortitsisimavoq.

Pitsaassutsimik nalunaarusiani nalunaarsugaapput illuni tamani suut aserfallatsaalisassaanersut qanorlu taakku aningaasartuuteqarfiussanersut. Taakku suliassanik nukinginnavissunik kiisalu ukiut qulit ingerlaneranni piffissakkaartumik aserfallatsaalisariaqartunik imaqarput.

Ukiut qulit ingerlaneranni aningaasartuutit 158 mio. koruuniussapput taakkunanngalu 26 mio. koruunit nukinginnarsisimasuupput *pinngitsooratik* ukiuni tulliuttuni marlussunni isumagisariaqarlutik.

Ingerlatsivik	Ukiuni qulini aningaasartuutit	Aamma nukinginnarsivissimasut ukiut marluk ingerlaneranni suliarisariaqartut
---------------	--------------------------------	--

Referat
Kommunalbestyrelse – ileqquusumik ataatsimiinneq 03/2020

Atuarfeqarnermut Meeqquerveqarnermut nutaaliornermullu ingerlatsivik	51 mio. koruunit	8 mio. koruunit
Isumaginnittoqarfik	23 mio. koruunit	2 mio. koruunit
Inuussutissarsiornermik Suliffeqarnermillu Ingerlatsivik	23 mio. koruunit	4 mio. koruunit
Kultureqarnermut Sunngiffilerinermullu	28 mio. koruunit	5 mio. koruunit
Teknikkeqarnermut Avatangiisinullu Ingerlatsivik	19 mio. koruunit	5 mio. koruunit
Allaffissorneq*	14 mio. koruunit	2 mio. koruunit
	158 mio. koruunit.	26 mio. koruunit

*Kommunip allaffia B-900 pitsaassutisimi nalunaarusiornermi ilaanngilaq.

2020-mut missingersuummi 13 mio. koruunit kommunip inuussutissarsiornermik illuutaanik iluarsaassinermut aserfallatsaaliinermullu immikkoortinneqarput.

Inassuteqaat:

Teknikkimut Avatangiisinullu Ingerlatsivimmiit Teknikkimut Avatangiisinullu Ataatsimiititaliamut inassutigineqarpoq:

- Immikkoortoq ataatsimiititaliamiit tusaatissatut tiguneqassasoq
- Pitsaassutisimik nalunaarusiat ingerlatsiviup suliarissagai taavalu illut ataasiakkaat tamaasa pillugit aserfallatsaaliinermut sukumiisumik pilersaarusiussalluni.
- Iluarsaassinermut aserfallatsaaliinermullu aningaasartuutit 2021-mi missingersuutitut ukiunullu missingersuusiortalarfinnut ilanngunneqassasut.
- Immikkoortoq Aningaasaqarnermut Pilersaarusiornermullu Ataatsimiititaliamut aamma Kommunalbestyrelsimut ingerlateqqinneqassasoq.

Aaqqiissutissatut siunnersuutit:

Suliamut tunngasumik naliliineq:

Aningaasatigut sulisoqarnikkullu naliliinerit:

Ukioq	2020	2021	2022	2023	2024	2025	2026	2027	2028	2029	2030
Aningaasartuutit:	0	26.400	26.400	13.200	13.200	13.200	13.200	13.200	13.200	13.200	13.200

Inatsisitigut tunngaviit: Kommunimut piginnaatitsissut

Aningaasartai: Soqanngilaq.

TAA-p inasuteqaataa: Inassutigineqartut akuerineqarput. Aamma siunissaq eqqarsaatigalugu qanoq ingerlatsisoqassanersoq suliarineqassanersorlu allaaserineqassaaq.

Pisortaanerit inassuteqaataat: Innersuusutigineqarpoq missingersuutini aningaasaliissutit naammattut 2021-mut aamma ukiunut missingersuusiortifiusunut ilanngunneqarnissaat misiliutigineqassasoq.

APA 05-2020 Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inassuteqaatigalugu.

Aalajangiineq: Akuersissutigineqarpoq. Immikkoortup taassuma oqaluuserineqarnerani Monica Dorph allamik pisassaqaarnini pillugu peqataangilaq.

**IMM. 25. INUSSUTISSARSIORNERMUT SULIFFEQARNERMULLU
ATAATSIMIITITALIAQ KIISALU TEKNIKKIMUT AVATANGIISINULLU
ATAATSIUMIITITALIAQ APRILIP 30-AT 2020 – NANNUNIK
TAKUSASSARSIORTITSINERMUT AKUERSISSUTIP SULIAREQQINNEQARNERA**

Januaarip qaammataani 2020-mi Kommune Kujalleq South Greenland Adventure-imiit (SGA) nunatta kujaterpiaani takornarianut asseqangitsumik nannunik takusassarsiorititsinissamut qinnuteqaammik tigusaqarpoq. Angallassinerit taamaallaat nannunik nunamiissinnaasunik angallammiit isiginnaarsinnaanermik siunertaqarput.

Qinnuteqaateqartup 2019-imi oktobarip qaammataani Kommune Kujallermi pisortaqaarfimmik Inuusutissarsiornermullu Ataatsimiititaliamik ataatsimeeqateqarnikkut pilersaarut saqqummiuppaa. Suliniut pilliugu nassuiaat pilersaarusiornikkut tamatumunnga tunngavissiornermut aallaaviuvoq, tassa "Kommunimut pilersaarutit ilassutaa nr. 10 Tunumi Qulliup eqqaani nannunik takusassarsiorititsinissamut akuersissut" Pilersaarusiornermi tunngavik ulloq februaarip 19-iat 2020 Teknikkimut Avatangiisinullu Ataatsimiititaliamit, Aningaasaqaarnermut Ataatsimiititaliamit kiisalu Kommunalbestyrelsimut akuersissutigineqarpoq. Kommunimut pilersaarummut ilassut kiisalu takornariartitsisarnissarmik qinnuteqaat tamatuma kingorna Inuusutissarsiornermut naalackersuisoqarfimmut suliareqqitassangorlugulu akuerisasangorlugulu ingerlateqqinneqarpoq.

Pissutsit atuuttut

Nannunik takusassarsiorititsinermut akuersissut pillugu pilersaarusiornikkut tunngavimmut nassinneqartumut Inuusutissarsiornermut Naalackersuisoqarfik maanna qisuariarsimalerpoq. Naalackersuisoqarfik ilisimatitsivoq Takornariartitsinermut akuersissutit pillugit inatsisikkut piumasarineqartut naapertorlugit akuersissummik qinnuteqaqqusilluni allakkiornissamut suli pissutsit annikitsut marluk qulaajaqqaagassaasut.

Pissutsit marluk qulaajarneqartussat tassaapput:

1 - Nannunik takusassarsiorititsinerup uumasunik, avatangiisinik allanillu illersuinermit inatsitigut piumasqaatinik naammassinniffiuneranik oqartussanik allanik peqateqarluni misissuisinnaatitaanissaminik Naalackersuisoqarfik noqqaassuteqarpoq. Akuersissut ingerlatsisussarsiorneqassappat tamanna pisariaqarpoq. Taamaammat attuumassutillit taakku peqataatinneqarnissaat taamalu suliassap ingerlanneqarnerata sivitsornissaa kommunimit paasineqassasoq noqqaassutigineqarpoq.

2- Naalackersuisoqarfiup oqaatigaa: "Kommunimut pilersaarummut ilassut qinnuteqaqqusilluni allakkiornermut maanna tunngaviliisussangussaaq, taannalu tamanut saqqummiunneqartinnagu kommunip ilisimaleriissavaa sunnuteqarfigninnaassallugulu. Tamatumuunakkut kissaatit Kommunimut pilersaarummut ilassutikkut nr. 10-kkut kommunimit saqqummiunneqartut pilersaarummi ilumut ersersinneqarnissaat qularnaarneqassaaq.

Referat
Kommunalbestyrelse – ileqquusumik ataatsimiinneq 03/2020

1-imut tunngatillugu oqaatigisassat: Suliap pilertornerusumik ingerlanneqarnissaa kissaatigigatsigu naliliinissami kissaatigineqartumi oqartussat attuumassuteqartut peqataatinneqarnissaannik allaffeqarfik Inuussutissarsiornermut Naalackersuisoqarfimmut akuersissuteqarpoq.

2 pillugu oqaatigiumasat: Kommunimut pilersaarummut ilassut allatulli tamanut tusarniaassutigineqanngilaq, tamannalu Inuussutissarsiornermut Naalackersuisoqarfiup akueraa". Taarsiulluguli pilersaarummut ilassut suliarinnittussarsiornermi tunngavigineqassaaq, taannalu matuma kinguliani nassuiarneqarpoq. Suliap aallartisimalaaginnarnerani kommunimut pilersaarummut ilassusiornikkut suliaq sapinngisaq tamaat siuarsarsimavarput.

Sulinerup ingerlaqqinnera:

- Suliaq pillugu saqqummiussissut manna, Inuussutissarsiornermut kiisalu Teknikkimut ataatsimiititalianut ataatsimut saqqummiunneqartoq, ataatsimiititaliat taakku aprilip 30-anni 2020-mi ataatsimiinnerini oqaluuserineqassasooq.
- Aprilip 30-ata kinguninngua kommune (ingerlatsiivit taakku marluk) suliarinnittussarsiornermut allakkiap akuersissummik tigusisuusinnaasunut saqqummiunneqartussap piareersarneqarnera pillugu Inuussutissarsiornermut Naalackersuisoqarfimmut suleqateqarnerminik nangitsissasooq. Piaarersarnermi tassani uagut suliasarput tassaassaaq najukkami suliffissanik ineriartortitsinissaaq siuarsarniarlugu suliniutissanik tulleriarnermi Kommunalbestyrelsip suleriaasissaanik suliaqassasugut. Kommunimut pilersaarummut ilassutip imarisai aamma qinnuteqarnermut piumasaqaatinut ilaassapput.
- Naliliinermut ataatsimiititaliortoqassaaq, tassungalu ilaasortaassapput Inuussutissarsiornermut Naalackersuisoqarfik kiisalu Kommune Kujallermi ingerlatsiivit attuumassuteqartut.
- Akuersissummik tigusussarsiornermut Naalackersuisoqarfiup kiisalu Kommune Kujalliup allakkiaat tamanut saqqummiunneqartinnagu Naalackersuisut akuereqqaassavaat
- Akuersissummik tigusussarsiorneq immiini sivikinnerpaamik ullunik 45-nik sivilissuseqassaaq.
- Akuersissummik tigusissarsiornerup naanerata kingorna qinnuteqaatit tiguneqartut misissuataarneqassapput Naliliinermullu ataatsimiititaliamit taasissutigineqassallutik. Naalackersuisoqarfik ilisimatitsivoq suliap immikkoortua taanna sivilisunavianngitsoq tassami nunap immikkoortua ataasiinnaq neqeroortigineqartussaammat, taamaammallu takornariartitsinerumut taama ittumut akuersissummik ataasiinnarmik tunniussisoqassalluni.

Piujartitsineq:

Kommunimut pilersaarutip ilassutaa nr. 10 Tunumi nannunik takusassarsiorititsinissamut akuersissut Kommune Kujalliup piujartitsinerumut politikkianut naapertuulluinnarpoq.

Aningaasaqarnikkut sulisoqarnikkullu naliliinerit

Siunissami nannunik takornariartitsinerumut akuersissut kommunimut aningaasatigut sulisoqarnikkulluunniit aningaasartuutaanaviannngilaq. Siunissami akuersissummik pigisaqalersussamik toqqaaniarneq pillugu Naliliinermut ataatsimiititaliap attaveqaatitigut ataatsimiinnerani peqataanermut annikitsumik sulisunik atuisoqassaaq.

Allaffeqarfiup naliliinera:

Ingerlatsiivit marluusut tamarmik naliliipput kommunip kissaatai piumasaqaataalu naapertorlugit Inuussutissarsiornermut Naalackersuisoqarfik suleqatigalugu akuersissut qinnutigineqartoq

Referat
Kommunalbestyrelse – ileqquusumik ataatsimiinneq 03/2020

naammassineqarsinnaallunilu akuersissutigineqarsinnaassasoq. Taamaammat akuersissuteqarniarnermut piffissaq apequtaaginnalerpoq. Akuersissutip taassuma najukkami aallaaveqarnissaanik uagut (Kommune Kujalleq) piumasaqaateqarsinnaavugut. Akuersissutip taassuma takornariartitsisartumit 'avataaneersumit' (tassa kommunimeersuungitsumit nunamilluunniit allameersumit) tiguneqarnissaa arlaannaataluunniit kissaatiginngilaa. Inuussutissarsiornermut Naalakkersuisoqarfik aamma taama isumaqarpoq. Kommunalbestyrelsip suleriaasiisa anguniagaasalu pingaarnepaasa ilaat tassarpiaaq suliffeqarfiit aallarnisaasullu najukkameersut nukittorsarneqassasut kiisalu suliniutit najukkami suliffissanik ineriartortitsiviusut suliffissaqartitsiviusullu pingaarnertinneqassasut.

Inassuteqaat

Taamaammat siuliani naliliinerit tunngavigalugit inassutigineqarpoq:

1. Kommune Kujallermi nannunik takornariartitsinermut qinnuteqarnermi atortussat suliarineqarnerat pillugu ingerlatsivinnit marluusunit maannamut aallartitat Inuussutissarsiornermut Naalakkersuisoqarfimmik suleqateqarnerminnik nangitsissasut,
2. ajornangippat ataatsimiititaliat siulittaasui marluusut Naliliinermut Ataatsimiititaliamut Kommune Kujallermit sinniisutut aamma peqataassasut,

Inatsisitigut tunngaviit:

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersaq,
- Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-meersaq,
- Pinngortitamik illersuineq pillugu Inatsisartut inatsisaat nr. 29, 18. december 2003-meersaq,
- Nannunik piniarneq illersuinerlu pillugit Namminersorlutik Oqartussat nalunaarutaat nr 3, 14. september 2018-meersaq,
- Imaani avatangiisit illersorneqarnissaat pillugu Inatsisartut inatsisaat nr. 15, 8. juni 2017-meersaq,
- Aalisarnermut, Piniarnermut Nunalerinermullu Naalakkersuisoqarfik nannut pillugit aqutsinissamut pilersaarut august 2018-meersaq,
- Timmissanik illersuineq piniarnerlu pillugit Namminersorlutik Oqartussat nalunaarutaat nr. 30, 28. december 2016-meersaq,
- Timmissat pillugit nalunaarut 21. januar 2004-meersaq
”Tunumi Qulliup eqqaani nannunik takusassarsiortitsinissamut akuersissut pillugu kommunimut pilersaarummut ilassut” nr. 10

Aningaasartai: Soqanngilaq.

Pisortaanerit inassuteqaataat: Akuerineqassasoq inassutigineqarpoq.

APA 05-2020 Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inassuteqaatigalugu.

Aalajangiineq: Akuersissutigineqarpoq. Immikkoortup taassuma oqaluuserineqarnerani Monica Dorph allamik pisassaqarnini pillugu peqataangilaq.

IMM. 26. INNOVATION SOUTH GREENLAND

Kommune Kujallip aamma Innovation South Greenlandip akornanni kiffartuussinissamut isumaqatigiisummi § 4-mi makkua aalajangiunneqarput:

"§ 4 Suliassamut pilersaarussiaq, anguniagassat nalunaarusiornerillu.

4.2 Missingersuutitut tunngatillugu ukiumi suliniutit anguniagassat killiffissiorniartugit ISG suliassanut pilersaarusiussaaq, makkuninngalu imaqaassalluni:

- Suliffeqarfiit ISG-mit siunnersorneqarsimasut allatigulluunniit taparserneqarsimasut amerlassusii pillugit nalunaarut.
- Suliffeqarfiit ISG-mit siunnersorneqarsimasut allatigulluunniit taparserneqarsimasut qanoq ingerlaneri.
- Ukiumoortumik nalilersuisarnikkut siunnersuinerup sunniutaanik paasiniaaneq.
- Suliniutit iliuusissatut pilersaarummi akuerisami nassuiarneqartut atorlugit ukiup naanerani suut angorusunneqarnerinik naliliineq.
- ISG-mi aningaasat tigoriaannaat tamakkiisumik naatsorsorneqarnissaat.

Kingusinnerpaamik martsip ulluisa aallaqqaataani 2020 2020-p sinnerani iliuusissat anguniagassartallit tunniunneqassapput.

Inassuteqaat: Inassutigineqarpoq 2020-mi ukiup sisamararterutaasa siullianni kiffartuussinissamik isumaqatigiisummi § 4-p piviusunngortinneqarnissaanut ISG-p killiffimmik oqaaseqaataa tunngaviliissasoq, taamaalluni oqaaseqaammi iliuusissatut pilersaarutit uuttuutillu 2020-mi ukiumoortumik nalunaarusiornermi tunngaviussallutik. Tamanna ataatsimiititaliap akuerissappagu innersuussutigineqassaaq 2020-mi ukiup sisamararterutaata siullianni ISG-ip killiffimmik oqaaseqaataa kommunalbestyrelsimut saqqummiunneqassasoq, taamaaliornikkut tamatumunnga tunngasortaa akuerineqarniassamat - pilersaarutit aalajangrsimasut pinnagit.

Ataatsimiititaliap aalajangernera: Ataatsimiititap inassuteqaat akuersissutigaa.

Inatsisitigut tunngaviit: Kommunimut piginnaatitsissut

Aningaasartai: Soqanngilaq

Pisortaanerit inassuteqaataat: Akuerineqassasoq inassutigineqarpoq.

APA 05-2020 Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inassuteqaatigalugu.

Aalajangiineq: Akuersissutigineqarpoq. Immikkoortup taassuma oqaluuserineqarnerani Monica Dorph allamik pisassaqarnini pillugu peqataangilaq.

IMM. 27. ARCTIC CULTURE CENTRE

Kommunimut pilersaarutip ilassutaa Kommunalbestyrelsip 2020-mi februaarip 19-ianni ataatsimiinnermini akueraa, tamatumalu kingorna marsip 13-ianniit maajip 8-ata tungaanut sap. ak. 8-ni tamanut ammasumik tusarniaassutigineqarluni. Piffissami tusarniaaffimmi tusarniaanermi akissutit arfineq-marluk ukunannga tiguneqarput: Peqqinnissamut Naalakkersuisoqarfik, Illersuisoqarfiup illuutitut tunngatillugu aqutsisoqarfia/Forsvarets Ejendomsstyrelse, Nuna tamakkerlugu pilersaarusernermut Immikkoortortaqarfik, Nukissiorfiit, Kommuneqarfik Sermersooq, Aatsitassaqaarnermut Aqutsisoqarfik aamma Nunatta Katersugaasivia. Tusarniaanermi akiissutit siulliit arfinillit oqaatigaat nassiunneqasimasut maalaaruteqarfiginissaannut imaluunniit allannguissamut siunnersuuserfiginissaannut tunngavissaqanngitsaq.

Taamaattorli Nunatta Katersugaasiviata allappaa 1938-mi toqqortaasivimminni nalunaarsukkani pisoqaanerusi illukut nalunaarsorneqarsimasut, taamaattorli tamaani piunersut assut nalorninarluni. Taamaammatt nunap ilaata atuutilinnginnerani katersugaasivik misissueqqaarusuppoq.

Pissutsit atuuttut:

Nunap ilaa ullumikkut sanaartorfigineqarsimanngilaq, maannakkullu Nunatta Katersugaasivianiit misissorneqarnissaa sulissutigineqarpoq. Tamatuma saniatigut nunap ilaani Igalikumut pisuinnaat aqquaat ilanngunniarneqarpoq, taamaalilluni maannakkut inissisimaffia aqqullu siunissami attanneqarsinnaaniassammata.

Piujartitsineq:

Oqaaseqaateqartoqanngilaq.

Aningaasatigut sulisoqarnikkullu naliliinerit:

Kommunimut pilersaarutip ilassutaani nunap ilaa sanaartorfigiuminarsarneqartussaannngitsaq takuneqarsinnaammatt tamatumunnga aningaasartuutissat sanaartortitsisup kisimi iisumagissavai. Taamaammatt nunaminertamik atuneq kommunimut aningaasartuutaaffiussanngilaq.

Allaffeqarfiup naliliinera:

Aqutsisoqarfiup nalilerpaaKommunimut pilersaarutip ilassutaa nr. 9 Iterlammi Issittumi Kulturikkut Illorsuaq/Arctic Culture Centre inaarutaasumik akuerineqartariaqartoq, tamatumalu kingorna tamanut ammasumik nalunaarutigineqassasoq.

Inassuteqaat

Inassutigineqarpoq:

-Kommunimut pilersaarutip ilassutaa nr. 9 Iterlammi Issittumi Kulturikkut Illorsuaq/Arctic Culture Centre APA-mit aamma Kommunalbestyrelsimit inaarutaasumik akuerineqassasoq, ilassullu tamanut ammasumik nalunaarutigineqassasoq.

-nunap ilaani nunaminertanik atugassiinnginnermi nalunaarsugaatitoqqat erseqqissarnerannut tunngatillugu ingerlatsiviup Nunatta Katersugaasivianik suleqateqarnini naammassissagaa.

Inatsisitigut tunngaviit: Pilersaaruserneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq.

Aningaasartai: Soqanngilaq

Pisortaanerit inassuteqaataat: Akuerineqassasoq inassutigineqarpoq.

APA 05-2020 Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inassuteqaatigalugu. Stine Egede aamma Naja Lund kissaateqarput oqaluuserisassap teknikkimut ataatsimiititaliap siulittaasuanit akuerineqareerluni ataatsimiinnissap akunnerup affaanik sioqqullugu saqqummiunneqarnera pissutigalugu massakkut isumminnginnertik imaqarniliamut allanneqassasoq,

Aalajangiineq: Amerlanerussuteqartunit, tassa Siumumit Inuit Ataqatigiinniillu akuerineqarpoq, Atassumillu tusaatissatut tiguneqarluni. Immikkoortup taassuma oqaluuserineqarnerani Monica Dorph allamik pisassaqarnini pillugu peqataangilaq.

IMM. 28. INISSIAQARFIIT ATAATSIMOORUSSALLU, QUMMUT

Kommunimut pilersaarutip ilassutaa Kommunalbestyrelsip 2020-mi februaarip 19-ianni ataatsimiinnermini akueraa, tamatumalu kingorna marsip 13-ianniit maajip 8-ata tungaanut sap. ak. 8-ni tamanut ammasumik tusarniaassutigineqarluni. Piffissami tusarniaaffimmi tusarniaanermi akissutit arfineq-marluk ukunannga tiguneqarput: Peqqinnissamut Naalackersuisoqarfik, Illersuisoqarfiup illuutitut tunngatillugu aqutsisoqarfia/Forsvarets Ejendomsstyrelse, Nuna tamakkerlugu pilersarusiornermut Immikkoortortaqarfik, Nukissiorfiit, Kommuneqarfik Sermersooq, Aatsitassaqarnermut Aqutsisoqarfik aamma Nunatta Katersugaasivia aamma Illussanik titartaasarfik/Arkitektifirmaet Qarsoq i Nuuk. Tusarniaanermi akiissutit siulliit arfinillit oqaatigaat nassiuunneqasimasut maalaaruteqarfiginissaannut imaluunniit allannguissamut siunnersuusiorfiginissaannut tunngavissaqanngitsoq.

Taamaattorli Illussanik titartaasarfik/Arkitektifirmaet Qarsup oqaaseqarfigaa qalipaatisaanik toqqaasimaneq isumaqatiginagu, tamannalu ilassutitut pilersaarummi nalunaajaammut aalajangersakkanullu ilanngunneqarpoq. Oqaaseqaalli taanna ilassutitut pilersaarummut allannguutissamik nassataqarnaviangilaq.

Pissutsit atuuttut:

Nunap ilaa ullumikkut annikitsumik sanaartorfigineqarsimavoq. Maannakkut Qummumut aqquerniusup eqqaani inissiarsuit marluk sanaartorneqarput, inissiarsuillu pingajuat ulluni makkunani Nuummi illuliornermik titartaasarfimmit Arkitektifirmaet Qarsumit pilersarusiorneqarpoq.

Piujuartitsineq:

Piujuaannartitsineq qitiutillugu ilassutitut pilersaarut suliarineqarpoq

Aningaasatigut sulisoqarnikkullu naliliinerit:

Illassutitut pilersaarutip inaarutaasumik akuerineqarnerani aningaasatigut sulisoqarnikkullu aningaasartuutitik nassataqarnaviangilaq.

Allaffeqarfiup naliliinera:

Aqutsisoqarfiup nalilerpaa Kommunimut pilersaarutip ilassutaanut siunnersuut nr. 11 Qummumi nunap ilaa inassiassanut ataatsimoorusamillu siunertanut toqqagaq, Qaqortoq inaarutaasumik akuerineqartariaqartoq, tamatumalu kingorna tamanut ammasumik nalunaarutigineqassasoq.

Inassuteqaat

Inassutigineqarpoq:

-Kommunimut pilersaarutip ilassutaanut siunnersuut nr. 11 Qummumi nunap ilaa inissiassanut ataatsimoorusamillu siunertanut toqqagaq, Qaqortoq APA-mit aamma Kommunalbestyrelsimit inaaruataasumik akuerineqassasoq, ilassullu tamanut ammasumik nalunaarutigineqassasoq.

Inatsisitigut tunngaviit: Pilersarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq.

Aningaasartai: Soqanngilaq

Pisortaanerit inassuteqaataat: Akuerineqassasoq inassutigineqarpoq.

Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inassuteqaatigalugu. Stine Egede aamma Naja Lund kissaateqarput oqaluuserisassap teknikkimut ataatsimiititaliap siulittaasuanit akuerineqareerluni ataatsimiinnissap akunnerup affaanik sioqqullugu saqqummiunneqarnera pissutigalugu massakkut isumminnginnertik imaqarniliamut allanneqassasoq,

Aalajangiineq: Akuersissutigineqarpoq.

IMM. 29. NARSAMI ILLUAQQIORFISSAT, AASARSIORTARFILIORFISSAT
AALLAARSIMAARTARFILIORFISSALLU PILLUGIT KOMMUNIMUT
PILERSAARUMMUT ILASSUTIP NR. 13-IP INAARUTAASUMIK
AKUERSISSUTIGINEQARNERA

Kommunimut pilersaarutip ilassutaa Kommunalbestyrelsip 2020-mi februaarip 19-ianni ataatsimiinnermini akueraa, tamatumalu kingorna marsip 13-ianniit maajip 8-ata tungaanut sap. ak. 8-ni tamanut ammasumik tusarniaassutigineqarluni. Piffissami tusarniaaffimmi tusarniaanermi akissutit arfineq-marluk ukunannga tiguneqarput: Peqqinnissamut Naalakkersuisoqarfik, Illersuisoqarfiup illuutitut tunngatillugu aqutsisoqarfia/Forsvarets Ejendomsstyrelse, Nuna tamakkerlugu pilersarusiornermut Immikkoortortaqarfik, Nukissiorfiit, Kommuneqarfik Sermersooq, Aatsitassaqaarnermut Aqutsisoqarfik aamma Nunatta Katersugaasivia. Tusarniaanermi akiissutit siulliit arfinillit oqaatigaat nassiunneqasimasut maalaaruteqarfiginissaannut imaluunniit allannguissamut siunnersuusiorfiginissaannut tunngavissaqanngitsaq.

Nunatta Katersugaasiviata (NKA) malugeqquaa illuaqqiorfissatut toqqakkat iluanni qangarsuarnitsat eqqissisimatitat 19-it nalunaarsorneqarsimmata. Taamaammat qangarsuarnitsanit aalaakkaasuniit 20 meteritut ungasitsigisup iluani akornutaasinnaasunik takussunarsaasinnaasunilluunniit suliaqartoqaqqusaanngilaq. Taamaammat Nunatta Katersugaasiviata noqqaassutigaa Kommune Kujalliup pilersarusiornermut oqartussaasuisa nunaminertanik atugassiinermik qinnuteqaatinut pilersaarutinullu tunngatillugu eqqissisimatitsinermik aalajangersakkat eqqarsaatigissagaat, sapinngisamillu siusinaarluni NKA isumasioqatigineqartassasoq aamma/imaluunniitnunaminertamik atugassiinnissamut qinnuteqaateqarnermi NKA tusarniagassatut aammattaaq nassinneqartassasoq.

Pissutsit atuuttut:

Nunap ilaa ullutsinni illuaqqanut aamma sulisaarsaarnermut tunngatillugu siunertanut atorneqarpoq annikitsuaqqamillu sanaartorfigineqarsimalluni. Nunap ilaani pineqartumi illuaqqiornissamik tammaarsimaarfiliornissamillu kissaateqartut saaffiginnissuteqarsimapput.

Piujuartitsineq:

Piujuaannartitsineq qitiutillugu ilassutitut pilersaarut suliarineqarpoq

Aningaasatigut sulisoqarnikkullu naliliinerit:

Illassutitut pilersaarutip inaarutaasumik akuerineqarnerani aningaasatigut sulisoqarnikkullu aningaasartuutunik nassataqarnaviannngilaq.

Allaffeqarfiup naliliinera:

Aqutsisoqarfiup nalilerpaa Kommunimut pilersaarutip ilassutaa nr. 13 Narsap eqqaani nunap ilaani illuaqqiornermut sukisaarsaarnermullu siunernertanut tunngasoq inaarutaasumik akuerineqartariaqartoq, tamatumalu kingorna tamanut ammasumik nalunaarutigineqassasoq. Inassuteqaat

Inassutigineqarpoq:

-Kommunimut pilersaarutip ilassutaanut siunnersuut nr. 13 Qummumi nunap ilaa inissiassanut ataatsimoorusamillu siunertanut toqqagaq, Qaqortoq APA-mit aamma Kommunalbestyrelsimit inaarutaasumik akuerineqassasoq, ilassullu tamanut ammasumik nalunaarutigineqassasoq.

Inatsisitigut

tunggaviit:

Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq.

Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq

Aningaasartai: Soqanngilaq

Pisortaanerit inassuteqaataat: Akuerineqassasoq inassutigineqarpoq.

Aalajangiineq: Kommunalbestyrelsimut ingerlateqqinneqassaaq akuersissutigineqarnissaanik inassuteqaatigalugu. Stine Egede aamma Naja Lund kissaateqarput oqaluserisassap teknikkimut ataatsimiititaliap siulittaasuanit akuerineqareerluni ataatsimiinnissap akunnerup affaanik sioqqullugu saqqummiunneqarnera pissutigalugu massakkut isumminnginnertik imaqarniliamut allanneqassasoq,

Aalajangiineq: Akuersissutigineqarpoq.

IMM. 30. QAQORTUP OEQERTAASAANI ILLUAQQIORFISSAT **AASARSIORFIORFISSALLU PILLUGIT TUNNGAVIUSUMIK OQALLINNEQ**

Kommune Kujalleq 2019 -mi mittarfimmut aqquuserngup eqqaani nunaminertanik illuaraliorfissanik qinnuteqarfigineqarsimavoq, taakkuli suliarisinnaasimanngilavut siunertamut tassunga pilersaarusiornikkut tungavissaqannginnerput pissutigalugu. Sumiiffiit qinnutigineqartut massakkut asimiipput tamaanilu tigussaasunik atortorissaaruteqarfiliortoqartinnagu kommunimut pilersaarummut ilassusiortoqartariaqarpoq.

Inatsisitigut tunggaviit: Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq.

Aningaasartai: Soqanngilaq

ATA-ip inassuteqaataa: Inassuteqaat akuerineqassasoq.

Pisortaanerit inassuteqaataat: Inassutigineqarpoq kommunalbestyrelsip tullianik ataatsimiinnerani saqqummiunneqartussamik kommunimut pilersaarummut ilassusiortoqassasoq.

APA 04-2020 Aalajangerneq: Inassuteqaat akuerineqarpoq. Teknikkimulli ataatsimiititaliap kommunalbestyrelsip ataatsimiinissaanut immikkoortoq pillugu pitsaanerusumik itisilikkamik nassiuasiornissaa kissaatigineqarpoq.

Aalajangineq: Akuersissutigineqarpoq.

IMM. 31. IGALIKUMI UNESCO-QARFINNILU ALLANI § 32 NAAPERTORLUGU INERTEQQOUTEQALERNEQ

Kommunimut pilersaarummut ilassut nr. 3 Igalikumut tunngasoq 2014-imeersoq ingerlatsivimmi ajornartorsiortitsingaatsiarpoq. Pilersaarummi sukumiisumik pilersaarusiortigineqartut sanaartorfissatullu immikkoortitat amerlasuutigut Nunatta Katersugaasiviata qanganitsanik illukunillu nalunaarsugaanut kiisalu UNESCO-qarfinnut Kommune Kujalliup UNESCO aqqutigalu nunarsuarmioqatigiinnut kingornutassiannngortitsinermini pisussaaffeqarfigilersimasanut imarisamikker akerliukkajuttarput.

UNESQARFIK KUJATAA, Nunatta Katersugaasivia kiisalu Igalikumi nunaqavissut peqatigalugit kommunimut pilersaarummut ilassusiorluni ingerlatsivik maanna suliaqarpoq. Kommunimut pilersaarummut ilassut nutaaq UNESCO-qarfinnut tallimanut tamanut kiisalu Uunartumut tunngassaaq 2020-illu aasaanerani naammassineqassanganneqarluni.

Igalikumi illuliortiterneq, pisiortorneq pioreersunilu allannngortiterineq soqutigineqarnerujartortut malunniutereerpoq, massakkullu pilersaarusiornikkut tunngavigineqartut atorlugit nunaminertanik qinnuteqaatit Igalikumi UNESCO-qarfiit ineriartortinneqarnissaannik kommunip kissaataanut akerliusut itigartissallugit ajornarpoq. Taamaammat Kommunimut pilersaarutip nutaap inaarutaasumik akuerineqarnissaata tungaanut siunissamilu suliassat suliarineqarneranni pilersaarusiornikkut tunngavigineqarsinnaalernissaata tunganut tamaani sanaartornerup inerteqqaalernissaa kissaatigineqarpoq.

Inatsisitigut tunngaviit: Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq.

Aningaasartai: Ilanngussaq takuuk.

Teknikkeqarnermut Ataatsimiititaliap Inassuteqaataa: Inassutigineqartut akuerineqassasut

Pisortaanerit inassuteqaataat: Akuerineqassasoq inassutigineqarpoq kommunalbestyrelsillu ataatsimiinissaanut tullermut ingerlateqqinneqassasoq.

APA 04-2020 Aalajangerneq: Kommunilbestyrelsimut ingerlateqqinneqassaaq akuersissutigineqarnissaanik inassuteqaatigalugu.

Aalajangiineq: Akuersissutigineqarpoq. Pilersaarutit akuerisaareersut allanngortinneqaratik ingerlanneqassasut aamma qinnuteqaatit itigartitsisoqarnissaanik nalunaaruteqartoqartinnagu qinnutigineqarsimasut allannguuteqaratik ingerlatiinnarneqarnissaata Inuit Ataqatigiit imaqarniliamut ilanngunneqarnissaat kissaatigaat.

IMM. 32."2020-miit 2024-mut Qaqortup qeqertaasaanut aaqqissuusaanermut pilersaarut"

Pilersaarusiortarnermut inatsimmi allassimavoq aaqqissuusaanermut pilersaarut Kommunimut pilersaarutip ineriartortinnissaanut pingaarnertut tunngaviliisussaq sananeqassasoq. Sanaartornerit aallartinninneranni aaqqissuusaanermut pilersaarut aamma sumi qanorlu tulleriinnilersukkanik pilersaarusiortarnermi tunngaviliisoqarnissaanut tikkuussisinnaavoq.

Pissutsit atuuttut

Inuussutissarsiortarnermik takornariartitsinermillu ineriartortitsinermi kiisalu allattoqarfimmi ingerlatsivinni allani ineriartortitsinermi, Innovation South Greenlandimi kiisalu UNESCO-mi aamma KUJATAA-ta akisussaaffeqarfiini anguniakkanut periusissianullu ineriartortitsinikkullu suliniutinut Kommunalbestyrelsip anguniagai periusissiaalu ataqatigiissaarneqarsimapput pineqartullu suleqatigineqarlutik. Aaqqissuusaanermut pilersaarut una 2020-mi upernaakkut Qaqortumi inuussutissarsiortut aamma Innovation South Greenland qanimut suleqatiginerisigut sananeqarpoq. Aaqqissuusaanermut pilersaarut Innovation South Greenlandip Inuussutissarsiortarnermi ineriartortitsinissamut periusissiaa taperserpaa.

Piujuartitsineq:

"Aaqqissuusaanermut pilersaarut 2019-2024" piujuaannartitsinermik tunngaveqarluni kommunip ineriartornerata ilorraap tungaanut saatsinneqarnissaa pingaarnertut tunaartaralugu suliarineqarsimavoq. Kommune nunaminertanik atorineqanngitsunik aamma pilerinartunik amigaateqarpoq, najukkamilu innuttaasunut, sanaartortartunut aamma nuuttunut sanaartorfissanik amigaateqarluni. Ineriartortitsisoqassappat nunaminertat nutaat pisariaqarput.

Aningaasatigut sulisoqarnikkullu naliliinerit:

Nunaminertanik ataasiakkaanik atugassiinermut sanaartorfigiuminarsaanermut tunngatillugu aningaasartuuteqassaaq. Aningaasartuutit taakku sanaartorneq ilutigalugu isaatinneqaaqassapput. Sananeqarneranut tunngatillugu sulisoqarnikkut aningaasartuutinut kinguneqartinneqanngilaq. Siunissami pilersaarusiornissaq Pilersaarusiortarnermi immikkoortortaqarfiup ulluinnarni suliarisartagaannut ilaaginnassaaq.

Allaffeqarfiup naliliinera:

Illoqarfimmi pisariaqartinneqartut unammillernartullu pillugit suliaqarnerup ingerlarnga assut aaqqissuulluagaavoq, nalituvoq pilersitsiffiullunilu. Inuussutissarsiortunik aamma ISG-mik suleqateqarneq ilaatigut illoqarfiup qeqqa pioreersoq pillugu ataatsimut pilersaarusiortarnerq 2020-mi ukiami nangeqqissaaq.

Inassuteqaat:

Taamaammat inassutigineqarpoq:

-kommunalbestyrelsip "2020-miit 2024-mut Qaqortup qeqertaasaanut aaqqissuusaanermut pilersaarut" Qaqortup siunissami periarfissaanik ineriartortinnissaanillu tamakkiisumik takussutissatut akuersissutigissagaa.

- "2020-miit 2024-mut Qaqortup qeqertaasaanut aaqqissuusaanermut pilersaarut" 2017-imiit 2028-mut kommunimut pilersaarummi atuuttumi ilanngunneqassasoq, "Qaqortup qeqertaasartaata ineriartortinnissaanut takussutissaq - kommunimut pilersaarut 2017-2028"-mut taarsiullugu

Referat
Kommunalbestyrelse – ileqquusumik ataatsimiinneq 03/2020

-Aaqquissuussaanermut pilersaaraarutip inerisarneqarnissaa maannakktut ingerlatiinnarneqassasoq.

Inatsisitigut tunngaviit: Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq.

Aningaasartai:

Pisortaanerit inassuteqaataat: Akuerineqassasoq inassutigineqarpoq. Oqaluuserisassap ingerlatsivimmiit marlunngornermi maajip ulluisa 19-ianni aatsaat piareerneqarsimanera pissutigalugu suliap Teknikkimut Ataatsimiititaliamut kiisalu Aningaasaqarnermut Ataatsimiititaliamut saqqummiunneqarsimannginnera oqaatigineqarpoq.

Aalajangiineq: Akuersissutigineqarpoq.

IMM. 33. TAASARIAQARTUT ALLAT

- KPI: Akerliussutsimik takutitsineq pillugu naatsumik ilisimatitsissuteqarpoq.
- KPI: Ataatsimiinnermut pitsaasumut qujassuteqarpoq aasarsiorluarnissamillu kissaassilluni.
- KPI: Pingasunngornermi 27/5-2020 nal. 14.00. immikkut ittumik matoqqasumik ataatsimittoqarnissaanik ilisimatitsissuteqarpoq.

Ataatsimiinneq 15:13 akerliussutsimik takutitsineq pissutigalugu unitsikkallarneqarpoq.

Ataatsimiinneq nanginneqarpoq nal: 16:41

Ataatsimiinneq naammassivoq nal.17.00.

Kiista P. Isaksen

Mari S. Abelsen

Karla Egede Bisgaard

Monica Dorph

Simon Simonsen

Benjamin Kielsen

Anders Olsen

Josef Petersen

Manasse Semsen

Kim Ezekiassen

Didda Isaksen

Naja Lund

Asmus Hansen

Ole Mølgaard Motzfeldt

Stine Egede